

ZIKTU Thumapui

Lalpa kum 2019 Beigual tha ah thuzil dingin 'Thagau Thiangtho' ti ahi dungzui in thei dandan ah buaipu in abu siamthei di'n KSP Office ah Executive Secretary Rev. Siana Phaltual ki-angin ka pelut thei ta, ka kipak hi.

Chun i thupi hi 'Thagau Thiangtho' ahi ziakin, thuthunglui ah Thagau, Pathian Thagau, Lalpa Thagau tite leh a dang dangte le Thagau thiangtho genna ahitho ziakin, Thagau thiangtho ti ah a thupi(heading) ah ka hun mat zel mai ahi.

Sim ding Bible chang kitaklangte ngei hile Beigual bu ah hin kiuslang thei leh chu pha ding ahia, a kisuklat thei taklo ziakin, Beigual puitu ten sim ding ah kitaklangte hi ala sim masa ngei din ka hun ngek hi.

Chun hiat bailam leh lemchan zaw sem ding gelna in zil-laite hi a bum bum ah khen ahi etsakna'n, thuthunglui ah Thagau thiangtho, thuthungthak hun ah Thagau thiangtho, kochuam thugin ah Thagau thiangtho tite leh a dang dang in ka hun khen hi.

Thagau thiangtho hi Trinity(Pathian ah mi pathum umte lak ah le, kinalna tampen leh haksa pen ahiziakin, zillai tin ah mi-hil(teacher)tu ten pauchapna pan i lak uh pawimaw diak ding ahi. Pathian dawisakna gual tak ah Thagau thiangtho mizia zild-awk leh hechian thei dingin Pathian in ei malzawl chiat ta hen.. Amen

Subject siamtu

Sd/-

Rev. Haulalven

G E N L A T N A

Kum 2019 ah Beigual Thupi ding a kigen khawmlai in Committee chun kituak takin Thagau Thiangtho chu phasakna a nei in, a guanggaltu ding in Rev. Haulalven chu suang tak in guat ngal ahi. Rev. Haulalven inle a mawpuaknate chu ngaik-hawk in kochuamte'n a phachuampi thei ding pen un a hung siam a, tuhin Zillai Bu mel muthei ah a um tak ziak in ei puitu Pathian kiang in kipak thu ka gen ahi.

Khristian thugin lak a Thagau Thiangtho hi thupi haksa tak mai khat leh kochuam tamtak in hethiamlo ah buaina a nei zing uh ahi. Thagau Thiangtho hi Pathian ah mi pathumte lak a khat ahin, Pathian ahi. Ziakachun, kochuamte'n hiatzing ding khat chu Thagau Thagau Thiangtho hiatsuak guat hi thil hitheilo khat ahi, ti i hiatmillo ding uh ahi. Himaleh, Thagau Thiangtho panglo ahin kochuamte hi i chia ding gual un a kich-ia thei ngai puai. Tuchung i zillai bu ua pat ahin kochuamte'n Thagau Thiangtho nasep leh pawimawna chu bangtiang a hem bek a i phachuampiu ka kinem ahi.

Zia Zillai Bu apat hin kochuamte'n Thagau Thiangtho umziate, a nasep leh thilbawl dante haw i hiatchian ua malam ah kochuamte'n Pathian thu ah khangtona i nei theina ding un simtute zosia Lalpan ei malzawl chiatta hen.



Rev. SIAMA PHALTUAL
Executive Secretary
Khuga Sadar Presbytery

*Dated/Tuibuang
the 21st August 2019*

ZILLAI GUANGGALNA (Lesson Plan) LEH HAWL BAILAMNA

Zillai	Thupi	Pek No.
	Khen khatna	
	Thumapui	01
01	Thagau thiangtho kua ahi em?-1	05
02	Thagau thiangtho kua ahi em?-2	08
03	Thagau thiangtho Bible ah alatdan tangpi	11
	Khen Nina	
	Thagau thiangtho, thuthunglui ah	
04	Thagau thiangtho leh thilsiam	13
05	Pathian Thagau leh khutthiamna bik	15
06	Thagau thiangtho leh Vaihawmtute	16
07	Thagau thiangtho leh sathau nuna	18
08	Pathian Thagau leh Lalte	19
09	Thagau thiangtho leh Jawlneite	22
10	Pathian Thagau leh Israelte tundin kitna	24
11	Thagau thiangtho leh Lalpa suak	26
12	Thagau thiangtho leh Jawlnei lemte	28
13	Thagau thiangtho leh Jawlnei diktakte	30
14	Pathian Thagau leh kingaitawmna hinkhua	32
	Khen Thumna	
	Thagau thiangtho Chanchinphate	
15	Thagau thiangtho chanchinpha bute	35
16	Thagau thiangtho Lal Jesu nasepna	38
17	Lal Jesu ziltilna, Thagau thiangtho	39

Khen Lina		
	Thagau thiangtho, Sawlchakte nasep ah	
18	Thagau thiangtho, Sawlchakte nasep ah	42
19	Nungzuite kiang ah Thagau thiangtho piak thu	45
20	Pentecost nung ah Thagau thiangtho nasep	48
21	Thagau thiangtho nasep chia zel	51
Khen Ngana		
	Thagau thiangtho Paul lekhatthawtte	
22	Paul in Thagau thiangtho a gendan	54
23	Thagau thiangtho leh hukdamna	56
24	Thagau thiangtho hinna ah kidona	58
25	Thagau thilpiakte-1na	60
26	Thagau thilpiakte-2na	63
Khen Gukna		
	Thuthungthak lekhabu dang leh Thagau thiangtho latdan	
27	Thagau thiangtho Hebrai leh Peter lekhatthawtte apat leh Johan lekhabu zikte apat a kilat dan	66
28	Thagau Ga	68
Khen Sagina		
29	Thagau thiangtho sawlchakte leh Nicea Thugin ah alatdan	71
30	Thagau thiangtho India gam Presbyterian thugin ah a latdan	76

Khen Khatna

Thagau thiangtho hi kua ahem? ti hi a saudeu zia kin zillai pani in khen hi tin, Thagau thiangtho kua ahem?(1) leh Thagau thiangtho kua ahem?(2) ti in. Chun Bible ah a latdan tangpi zil phawt hiti.

Zillai - 1

Thagau thiangtho chu kua ahi em? (1)

Rom. 8:9-11

Nanghaw chu taksa ah um hitalo ah Thagau ah um la hi tak zia kun, Pathian Thagau nangmau ah cheng ahi. Kuale khrist Thagau neilo chu ama mi ahi puai. Nangmau ah Khrista a sum chun, la taksa gitlonau chu la thi san tau ah, Thagau lam ah dikna hing la hi zaw tau hi. Mithi lak ah kipat Jesu kaithotu Thagau chu nangmau ah a um chun, la taksau thi thei chu hinna pe ding ahi.

Rom. 8:14-16

Pathian Thagau pui ah um zosia chu Pathian chate ahiu. Lau tak ah um ding ah suak hina Thagau chang la hi puau ah, cha hina Thagau chang la hi zaw'u hi. Ziazia-achun Abba, Hepa ti in i ki kosek ui. Zia Pathian Thagau ngei chun ei uh Thagau tawh kithua in, Pathian chate i hui, ti ei hiat-sak hi.

Rom. 8:26,27

Zia gual chun Thagau in i hatlo zia kun ei panpi sek ah, pauchap dingdan i hiatlo lai unle, Thagau chun genthei lo khawp ah gim in ei pauchap

piak sek hi. Lungthim enchian-tu Pathian chun Thagau daw lam ahia, Thagau chun Pathian dawigual in mi thiangthote a pauchap piak sek hi.

Thupi : Thagau lam hinna.

'Thagau thiangtho ah hinna' ti hi gil tak leh thuktak ahi. Taksa lam hinna ah kinga hilo in Pathian ah kipumngat hinna lam a kaww zaw ahi.

Mihing dawidan ah hinkhua matna hitalo ah Pathian ah kituklutna leh Pathian dawidan chu thupi pen ah matna chu ahi. Eima dutuina leh kipiakzawna lam sangin, Pathian Thagau in a thunun anawp

dandan ah a matchak sek chu ahi. Pentecost ni gingtute a matchak gual ma in leh a suk hat ah thilhitheina ah a thum gual kha ahi.

Rom 8 ah Sawlchak Paul gendan in, Thagau thiangtho neilo chun Khristian hinkhua le neitheilo gual in a gen hi. Khrista Thagau neilo chu khrista ding ah ami leh asa le hilo ati mai hi. 'Thagau mi' ti umzia chu Thagau thiangtho tawh kitimat ah um ahi. Thagau nasep chu Pathian chate hina ei pia, Pathian inkuan hina ei nei sak kit hi. Chun Pathian chate hina dinmun sangtak le ei hisak ta ahi. Khrista tawh ei kizawpmat sak ah eima hinna ah khrista chu hungging kit ta, ti ahi kit hi. Chun suangtuana mai hilo in Thagau thiangtho chu mizia(personal) ahidan le mu ahi. Ei panpi thei, ei dawtpiak thei, ei a ding ah thum leh mau ah um, ei dinga hung ei gelpiak thei ahina le mu ahi. Ziakiakahin, Pathian ah mizia pathum"Trinity" lak ah pakhat ahina le a taklang hi. Tuhin, abanban in Thagau thiangtho miziate zil zel di ihu hi. Kua ahem Thagau thiangtho chu?

A mizia bang gual? Bang na a sem em? Thagau ah hing ihu chun bang gual ah um zel ding i diam uh? tite hi lunggel i piakna ding uh chu ahi. I hatlonate ei pangpi thei leh pauchapna dik ah i pauchap theina chule ahina lai hi.

1. Thagau Thiangtho genna

thumalte: Thagau ti hi Hebrai pau ah 'ruach(ru-akh) kiti ahi. Grek pau in pneuma(neuma) a umzia chu 'hat' hinna ding hui hiplut leh hatdaw hi ahi. (Gen.2:7; 6:17, Job. 26:13, Eze. 37:5,6). Thagau Thiangtho genna 'Ruakh' hi thigua hangvel genna ahi pen hi. Chun Mihing hinna ding ah hatsuk leh hatto chule a huam hi. Zia hin a etsak chu Pathian ah mihing pathumte lak ah khat chu ahi. Thagau thiangtho chun hinna petu, hinna bulpi, hatna leh thilhitheina a kipatna bulpi chu ahi. Chun thiangtho ti hi chuambik hina, chungnungzaw leh za-um diak ahina a etsak hi. Thagau thiangtho ti thumal hi thuthunglui ah thumvei mu ahi. (Sam 51:11; Isai 63:10,11) Pathian Thagau, pilna leh hiatna Thagau, Lalpa launa Thagau, lemkuatna leh hatna Thagau leh Lalpa Thagau

tite hi Thagau thiangtho genna kimang sekte ahiu hi. Chun thuthungthak lam ah chun- Jesu khrista Thagau, Jesu Thagau, chapa Thagau, kumtuang Thagau, hepina Thagau, Lalpa Pathian Thagau, hinna Thagau, Pathian chapa Thagau, Pathian hing Thagau, lopina Thagau, thianthona Thagau tite ahi (Heb.9:14; 10:29, Phil.1:19, Nas.16:7, Rom1:4; 8:2,9 Gal.4:6 2Kor.3:3 1Pet.4:14).

2. Thagau Thiangtho chu mihing leh mizia nei ahi: Grek pau ah thuthungthak Bible taklat dan imu theite apat in, Pawsal genna(masculine gender) ah chun 'ekeinos' mat ahia, numei genna(feminine gender) ah chun 'ekeine' mat ahia, chun numei-pawsal genkhenlo ah mat ahi phat leh 'ekeino'(neutral gender) ahi sek hi. Grek Bible ah matdan chu 'eikeinos' ahia, a umzia chu Pawsal ah gel ahi. Vaiphei Holy Bible inle 'Thamuanpa' ala ti hi a kichian khawp mai hi(Johan14:16). Chun Thagau thiangtho chu mihing gual ah genna tamtak mu ahi kit hi. Etsakna dingin mi pianthak sak sek, gitlo kihiat dawsaktu, Jesu khrista thu hi-

atsaktu, mihiltu, chanchinpha gen ding ah sawltu, dawtpiaktu, hilchiantu ti ahi sek hi. Ziate ziakin Thagau thiangtho chu mizia nei ahi.

3. Thagau Thiangtho chu

Pathian ahi: Thagau thiangtho chu ahing mai hilo in Pathian ahi(Gen.1:2). Pathian pakhat ah mihing pathumte lak ah khat ahia, bangkim siamtu ahi. I Bible ah Pa leh Chapa leh Thagau Thiangtho chu Pathian pakhat genna kimang sek ahidan le mu ahi(Mtt.28:19). Thagau thiangtho themtu chu Pathian them ahi dan kichian tak ah taklat ahiziakin, Thagau thiangtho chu Pathian ahi(Nas.5:1-11).

4. Thagau Thiangtho chu Pa

leh Chapa apat hung pawt ahi: Thagau thiangtho chungchhang ah ei Presbyterian kochuam pawmdan kochuam thugin no.6 ah chun Thagau thiangtho, Pa leh Chapa apat hung pawt chun mihingte chu hukdamna changtu ah a siam ah, a gitlo ziau leh chunggik zia teu a hiatsak ahi. Khrista hiatna lam ah a lunggil teu a hivak ah, a dawitelna teu chawktho in, Jesu khrista chu a Lalpau leh

hukdampa ah pawm ding ah ngek in, pawm thei ding in a panpi ah, amau ah dikna ga zosia a semdawk sek hi. Zia i thugin apat in Thagau thiangtho panglo in bangma thilpha sep daw theina neilo i hidan a kichian ahi.

Ngaitua khawm thei:

I. I kochuamte hi Thagau thiangtho mizia pawimaw zilna lam ah panla huntawk lo in imu em?

II. Thagau thiangtho chu i zillai apat in numei ahem pawsal?

---o0o---

Zillai - 2

Thagau thiangtho chu kua ahi em? (2)

1Korinth 2:10-15; 1Johan 4:1-3

Zillai masa ah khan Thagau thiangtho chungchang phabep zilzo leu hinle, tuhin Thagau thiangtho chu kua ahi em? ti thupi ah mang nalai in, Thagau thiangtho hina pawimaw panga(5) zil belap kit hitiu.

1. Thagau dangdang zosia lak ah chawm bik ahi.

Pathian chu Thagau ahin himaleh Thagau zosia chu Pathian ahi puai, Pathian apat pawt le ahi diak puai. Thagau dik leh Thagau diklo a um hi(-1Johan 4:6). I Thugin No.2 ah chun Pathian pakhat bep a um ah, ama bep chu biak ding ahi. Ama chu Thagau, ama ah um ziang, muntin ah um, Thagau dang zosia leh thil dang zosia lak ah chuam ahi ti ahi. Zia i thugin apat in Pathian chu Thagau dang zosia leh thilsiam

zosia lak ah chuam bik ahina alang ah, zia gual ma chun, Thagau thiangtho lopina leh thianthona a sulang kit hi.

Thagau gilote a um thu le i Bible in ei hil ah, zia te chu kochuam pate (Church father's) hotu masate hun lai ziang inle zia Thagau gilote hi vansawlchak kipukte ti ah gensek ahiu hi. A lawi upau chu setan ahi. Zia vansawlchak kipukte hi a ziak chu chapona, eima angsung bep khualna leh amau dawitelna ngei ah Pathian chung kiphin ah hiat ahi

(Eze.28:15-17; Isai 14:12-15).

Setan hi Bible ah gamhuai lal, gulpi tek, Diabol, Belzabul Belial, Lucifer tite in gensek ahi. Thagau buak, gamhuai tite ahiban in, Thagau buak ahiziak un mi lungthim ah le nasem thei ahiu hi, van sawlchakte gual ah kilang thei ahiu hi. Pathian thuma mangchan thilmakte le bawl thei ahiu hi. Ziaziakahchun, Johan chun “Dawitakte haw Thagau zosia gingcha ki’u in, amavang, Thagaute chu Pathian apat ahi em hilo ti enchian un” (1Johan 3:1-3) ati ahi. Thagau thiangtho in vang Pathian dawigual ei hiatsak ah, Lal Jesu ei kawkmun in, Hukdampa ah pawm ding ei pangpi hi. Eima ah felna ga chuamchuam asem dawk sek hi (Gal. 4:22,23).

2. Thagau Thiangtho chu hiat bukim leh dawn sen gual ahi puai.

Pathian hina chu i hiatchian phaklo gual in, Thagau thiangtho chu hiat bukim phaklo leh sui sen phaklo ahi. Thagau thiangtho Pathian chu lampi chuam chuam inle a kipuang dawk sek ah, ziate haw lak ah pawimaw diak chu Bible

leh Kochuam ah akipuanna hi ahi. Pathian chu khawvel hindan leh thilchuam chuam, chun mimal kiang ah a kipuannate le a um ngei hi, maleh Bible ziltina leh kochuam kietkawlna tawh kituaklo ah aum di ahi puai. Thagau thiangtho chu Jesu’n thigua tawh a tekhin ah, mutheilo maleh um ngei tho ngal, a umdan hiatthiam thei hilo, daltan thei le hidiaklo chu ahi. Thagau thiangtho in a nawp taphawt a lawtin sak sek hi. Mihingte thunun phaklo leh vaihawm khum theilo chu ahi. Famta Pu Hauminthang Saipum in Thagau thiangtho chungchhang a Pathian thu genna khat ah chun “Thagau thiangtho chu gancha lak ah Bawng gual ahi, a nawite nekthei, Lo le ei kai piak thei, chun van le ei puak piak thei ahi. Chun sum leh pai le chansak ah aman nekthei ahi, a ek natiang le thaichi phatna ding ah matchak thei ahi. Himaleh Bawng chung ah chuan thei vang ahi keilo ahi” ala ti hi ahi him ahi. Thagau Thiangtho Pathian chu a zalzaw thei ahia, maleh thuneikhum(control) thei vang ahi pha lo ahi.

3. Bangkim hithei Thagau thi-

angtho ahi.

Thagau thiangtho chu Pathian matchak khut leh keng mai hilo in Pathian tak chu ahi. Pentecost ni apat in nungzuite, su hangsantu, kipa-kna petu, thilmak bawlsaktu, mithi kaithaw saktu, thamuantu, thugen theina petu, pau hiat-lo ah pausaktu ahia, bangkim hetu le ahi ziakin thep bawl ah zuathei gen chu Ananiate nupan gual ah umkhak ding lau um tak ahi.

4. Pathian in mite kianga a ki hetsakna chu Thagau in a puang dawk sek hi.

Pathian lekhabu ah genlawkna himhim eima daw-idan ah hilchian ding ei puai, ti hephawt hitiu. Thugen lawk himhim hi mihing thupawt ahi ngai puan, miten Thagau thiangtho sawl in, Pathian ah kipat amu'u ah a gensek uh ahi zaw sek hi (2pet.1:20,21).

Lawngpi puanzak thigua'n ahun mut phat leh Lawngpi chung ah a pute chun Lawngpi chu ahek thei bep gual in Thagau thiangtho nasepna ziakin gingtu kochuam chu Pathian dawgual a sem thei bep ui. Pathian thu te

chu Pathian Thagau thiangtho beplo chun kuaman a hetheilo ahi(1Kor.2:11). Pathian thugil hiattheina umsun chu Thagau thiangtho thuamna chouh ahi.

5. Thagau thiangtho mizia chu kingaitawm leh thunuaigawl ahi.

Thagau thiangtho nasepna kilatna phawt ah chun chapona mu ding a um puai. Pathian chu thilsiam thu ah si-amtu pen leh lopipen himaleh kingaitawm tak ah a thilsiam sa mihing ah ahung pian thu inle Pathian kingaitawmna leh thunuaigawlina chu ahi. Zia Pathian chu mihing ahung kisuakna hi Thagau thiangtho panlakna le ahi. Mi kuale a gitlo a kisik phat leh kingaitawmna dinmun ah um tina ahi. Zia chu Thagau thiangtho nasep in ga a sua chu ahi.

Genkhawm thei:

1. Mihing pilna leh chaponate tawh Thagau thiangtho nasepnate a kidonate genkhawm hileh.
2. Gingtu khenkhat a chia khialna ziak uhi, Thagau thiangtho a hiatchianlo ziak uh ahithe i diam?

Zillai - 3

Thagau thiangtho Bible ah alatdan tangpi (Genesis 1:1,2; Sam 33:6-9)

Thagau thiangtho chu kumtuang Pathian ahiziakin, a mizia chu hiatsenlo leh gensen gual hilo maleh i hiat thei khamkham ah zil thei tiang a um ah ziate chu i zil khawm di ahi. I taklatsa gual in Thagau thiangtho genna'n, hui, hat(breath) tui, mei, sathau, vakhu, teptena leh namdetna te matsek ahi. Tuhin Bible ah Thagau thiangtho i Bible pumpi a kilat dan tangpi vak en hitiu.

1. Thagau thiangtho kigen-nate.

Bible ah thuthunglui pumpi Thagau thiangtho ti hi thumvei chauh mu ahi. Ziate chu (Sam51:11, Isai 63:10,11). 'Pathian Thagau', 'Lalpa Thagau' ti leh 'Ka Thagau', 'A Thagau tite vang tamvei tak mu ahi. Thiangtho ti hi Pathian chuam bik leh thildang tawh kibanglo Pathian min tawh genkhawm zel sek ahi. Pathian dang zosia lak ah danglam leh chungnung zaw genna ah mat ahi. Thagau thiangtho mizia hi thuthunglui sangin thuthungthak i et leh a kichian zaw ahi. Thuthungthak ah chun a nasep dungzui in min chuam chuam ah gen ahia, khrista Thagau Jesu Thagau, chapa Thagau, Pathian Thagau, Lalpa Thagau tite in mat ahi. Thagau thiangtho

genna Pathian kam apat pawt ahia, 'ruach' chu tamveitak alang ah siamtu leh hinna petu ahidan(Gen.2:7; Job26:13; Sam33:6) ah mu ahi. Lalpa Thagau ti chu 27vei mu ahia, Pathian Thagau 16vei mu ahi. Pathian thilhitheina lopitak etsakna mat sek ahi pen sek hi. 'Thagau Thiangtho' ti thumal hi kochuam chanchin ah alangsal mama ahi. Thagau thiangtho in a pawl limnate, a dawntute kianga ah piak ahithu te, gingtute chu Thagau ah tepte ahithu leh Thagau thiangtho chu su lungngailo ding ah thupiak ahidan uh feltak ah taklat ahi. Thuthunglui leh thuthungthak hun ah Thagau thiangtho kilatdan a kibatlona liantak mu thei ah um chu ahileh, thuthunglui hunlai in Thagau thiangtho chu mihingte kiang ah dettak ah um

denlo in aseph ding aseph zaw phat leh nusia kit maisek gual in hiat ahi. Thuthungthak hun ah chun gingtute chu chenchil in nusia talo ahidan mu ahi.

Genkhawm thei:

Thagau mi laphuaktu chun “Malai mi’n le a thilchimlo zia ni hi, mulo in sangtamtak aliam

tau; Lal lungdam kum hukdam-na ni kipak um, ei hawn i chan thei ziakun, vangpha ihu” ati hi Thagau thiangtho chungchang tawh tekhn hitaleh; Thuthunglui hunlai ah mite sang ah ei uh thuthungthak hun ah gingtute i vangphat zawk nau genkhawm hileh..

---o0o---

Khen Nina

Thagau Thiangtho Thuthunglui ah

Thagau thiangtho nasep leh kilatdan chuamchuam zilkhawm hitin, chun thumal Thagau thiangtho ti sang ah Pathian Thagau ti a tamzawk zia kin, Pathian Thagau ti in imang ding ahi. Thuthunglui ah Thagau lakdan hi aban ban in zillai tamdeu sua ding ihi.

Zillai - 4

Thagau thiangtho leh thilsiam**Gen.1:1,2; Johan 1:1-3; Job 33:4**

Bible leh I thugin apat in Thagau thiangtho chu siamtu mai hilo in chenchiltu, enkawltu leh a chung ua vaihawmtu ahinate hi zil ding ihi.

1. Khawvel siamthu ah.

Gen.1:1,2 Pathian in khawvel a siamna thu ah hin, paumal pakhat 'Siam' ti hi Hebrai pau ah chun 'bara' ti ahia, a umzia chu thil umsa apat siamdaw hilo in a umlo apat siam tina ahi. Thil ala um ngai keilo siamdawk tina ahi. Zia tak ah 'bara' ti hi mihing thilsiam ah le mat vantang thei hilo, Pathian thilsiam genna ah mat bik deu ahi. Pathian chu umlo kipat umsak thei ama bep ahi tina ahi. Ba'hem khat manpha siamdaw hilo a umlo kei siamdaw ziang tina ahi. Mihingte siamdaw tawh tekkin thei gual hi puai. Mawk hung um thut maile ei pua. Tawngpal ah siam khakle ahi pua. Pathian lopi zia taklatna ahi. Lei hi 'melleh puam neilo' 'a hawm ngawn' ti hi umdan mumal neilo tina lam a kaw k hi. Genesis apat in i hinkhua mumal neilo ah le Pathian Thagau in na aseph phat leh

umzia hawitak in ahung um thei hi tina ahi. Pathian Thagau in umzia neilo chu melpha takin ahung umta, a awpkhum ziak ahi. Abul in, ti leh 'afillim in' ti ah mat sek ding ahi. Vaiphei pau ah afil ti hi matlo aphazaw ahi. Zia thilsiam thu apat in Pathian(Pa) hina mu ahia, Pathian Thagau ahiloleh Thagau thiangtho le alang ah, Pathian in thu ah a siam ti hi Jesu khrista le a kilang hi ti thei ahi Johan 1:1-4 tawh buktua in. Thu ti hi khrista genlatna ahi. thilsiam thu inle 'Trinity' Pa leh Chapa leh Thagau thiangtho. Pathian ah mi pathum zia kilatna'n le matsek ahi.

2. Mihing siamthu ah.

Mihingte chu thilhing hung danglam zel(evolution) apat hung um ahilodan Bible chun chiantak ah taklat ahi. Pathian in 'Eimau tawh bang mihing siam hitiu' Gen. 1:26,27; 2:22-24. Chun 'Lal-

pa'n Leivui apat mihing a siam hi' (Gen.2:7). 'Pathian in i kibatpi'u, eimau gual melpu'n mihing siam hitiu' Pathian i batnau chu bang ahem? A huap lian lam ah chun sia leh pha hiatna i neite, ngaitua theina i neite leh Thagau thitheilo inei te le a buap thei ah, zia te chu gitlo puksiat nung inle gitlona mabe nei zing tho in ila nei zui zel hi ti ahi. A huap neu lam in Pathian hiatna dik i neite, dikna leh thiangthona i neite chu gitlo puksiat apat mansua ta ihi, ti ngaidan ahi kit hi. A bang hitaleh Pathian batna diktak chu Jesu Khrista ah suklat in a um hi. Khrista chu Pathian kibatpi, melpu bukimna chu ah (2Kor.4:4, Kol.1:15) Jesu chu tawh kibatna diktak leh mihing bukim chu ahia, Pathian batna chiantak chu khrista ah imu tau ahi. Chun 'un' 'hitu' 'ei mau' tite apat in Pathian ah mihing pathum Pa leh Chapa leh Thagau Thiangtho(Trinity) Thugin ah sulang thei hi. Pathian Thagau chun mi a siam ah bangkim hithei hu chun hinna ei piai(Job33:4).

3. Lei leh Van leh asung ah thilsiam thu ah.

Lei leh van leh Thaichi leh hampa hing leh pakchate, chun gancha leh ganhing zosia hi Pathian Thagau panna ah siam ahi chiat ui (Job 26:13, Sam 104:30, Isai 40:7). Chun nangin bangkim la siam ah, la daw ziak leh ah um leh siam ahi ati kit hi(John 1:3, Thupuan 4:11).

Chun, mihingte hi Pathian in thilsiam dang zosia lak ah dinmun sangtak a piak, thilsiam dangte chung ah thuneina leh enkawltu hina a piak ahi.

Genkhawm thei:

- I. Mihing hinna hung changkang zel ah, tu i dinmun uh hungtung thei- masang lai pek ah chun zawng chikhat gual ah ala khawsa(evolution theory) ti hi, Bible ziltilna tawh a kituak em?
- II. Thilsiam zosiate lak ah mihingte hi chuam bik ihi nau leh i mawpuaknau genkhawm hileh.

---o0o---

Zillai - 5

Pathian Thagau leh khutthiamna bik Exodus 31:1-11

Pathian Thagau chun a huap lian mama ahi. Mihing thiamna, pilna, khutthiamnate zosia hile a huap hi. Mutheilo Thagau lam thil beplo mihing khutthiamna leh suangtua thiamnate leh a dang inle, Thagau thiangtho nasep chu a kilang thei hi. Khutthiamna Pathian Thagau apat neite chanchin zil ding ihu hi.

1. Thagau thilpiak chuam chuamte.

Bazalel chu Pathian Thagau in pilna, themthiamna, hetna leh khutthiamna chitin a thuam ah, ziate chu Biakbuk sung ah matchak pawimawte a siam theina ding ahi (Exo.31:3). Joshua le pilna Thagau in a thuam hi(Deut.34:9). Vaihawmtute chu hangsanna leh hatna apia ahi(Vaih.14:6). Mang hilchian thiamnate ape sek hi(Dan.5:14). Chun Thagau thiangtho in khenchuam neilo in a pawimaw dungzui in Debora numei khat chule zawlnei leh vaihawmtute lakin a pansak mai hi(Vaih.4:4).

2. Pathian Thagau apat thilpiak chi chuamchuamte chu amatna di um ahi.

Pathian chu thil zosia siamtu ahidan i zil tau ah,

zia a thilsiamte chu pha asa mama hi(Gen.1:21) ti imu ahi. Chun ama kibatpi a siam mihingte chun Pathian siamsa thiamna, pilna, hawina, thiamna chi chuamchuam, thuziak thiamna, limzik thiamna, paukam melphate, thilgi hawite leh khutthiamnate haw hi ngaisang ah Pathian lopina ding ah i matchak thei chu Pathian Thagau kiang ah lopina i piak uh tina ahi.

3. Pathian dawidan chu a lawtinna ding Thagau thilpiak chu piak ahi sek hi.

Danial leh Joseph chu Pathian lopina ding zanmang hilchian theina piak ahi(Danial 5:14; Gen. 41:38). Joseph Aigupta gam ah Pharoah in vaihawmna a piak ding ah khan “Zia gual Pathian Thagau umna hi muzo ding ihu em?” ala ti

hial ahi kha!(Gen.41:38). Pathian lungtup a lawtinna ding ah Thagau thilpiak chu piak ahi pen sek hi.

Genkhawm thei:

- I. Biak inn sakna leh Pulpit mun thiangtho siam ding ah ginglote i gawih sek uhi ngaidan genkhawm hileh.
- II. Bawl theina leh thiamnate hi Thagau thilpiak pawimaw tak ahidan gen belap hileh.

---o0o---

Zillai - 6

Thagau thiangtho leh vaihawmtute Vaihawmtute 2:16-19, Rom 13:1

Tuni hin, Israel mipite chung ah vaihawmtute chung ah Pathian Thagau nasep zil di ihia, mihing hatna leh hangsanna ten sawt a dailo dante leh Pathian Thagau in a matchak leh matchaklo kikal gamlat dan zildaw gua'i tiu.

1. Vaihawmtute.

Vaihawmtu i tite hi government ah thubuai ah vaihawm leh thutantute tina lam hilo in, Israel te gal te apat hukdawk-tute, galhat pawsalpha tina lam a kawk zaw ahi. Vaihawmtu lian min pute chu Otheniel, Ehud, Debora, Barska, Gideon, Jephtha leh Samson te ahiu hi. Vaihawmtu neute ti min pute

chu: Tola, Jaira, Ibzana Elona, Abdona leh Samgar te ahiu hi. Chun hunkhat ah vaihawmtu pani, pathum a um khawm chang uh le a um sek hi. Hebrai pau chiadan ah chun vaihawmtu ti hi, matchak bang hi ziang leh le mangcha thil dik bawl dawk, thil diklote sudik tina lampang ahi. Vaihawmtu 13te hin Pathian Thagau hi hat-

na in Israel mipite mapuina in do leh gal a zo sek uh ahi.

2. Pathian Thagau in Otheniel a thuam hi.

Mesopotamia gam Lal Kusan-rishathaim in kum 8 set Israelte a awpkhum nungin, Israel ten Pathian a ko ua. Tichun Pathian Thagau in Otheniel a thuam ah Mesopotamia khut apat Israelte hukdawk in kum 40 galmang in a um tau(Vaih.3:10).

3. Pathian Thagau in Gideon a filkho hi(Vaih.3:10).

Israel ten Lalpa a kiheisan ziak un, genthei tak in Mediante thunuai in kum 7 a um ua. Pathian lam a kiheikit phat un Lalpa'n Gideon tilkho leh umpi in Israelte chu Midian khutnuai apat a hukdawk kit hi.

4. Lalpa Thagau in Jephthah hi(Vaih.11:29).

Zeptha chun Israelte chu Ammon mite gal a zawpita ahi. Zia galzawna chu Pathian in a thuamna ziak ahi(Vaih.11:31).

5. Samson thahatna petu ahi.

Lalpa Thagau in Samson a thuam pan tai(Vaih.13:25). Lalpa Thagau zia kin Sakeibaknei chu kelno gual in a puait-

el thei hi(14:6). Chun Askelon mi 30 that in a pawnak chual uh a lak piak hi(14:19) Sabil-tung khagu in Philistine te 1000 a khenlum thei hi(15:15). A hinkhua beiding kuan in Lalpa kiang ah kituklutna pauchap a mang ah, a dawtna lawting melmate tamtak tawh a thikhawm ua, A dam lai ah melma a thalup sangin, a thi ni'n a that tamzawta ahi. Pathian Thagau in hatna a piak ziak ahi.

Genkhawm thei:

1. I gam Govt. vaihawmtute hi Pathian Thagau in a thuam gen di i hiat leh genkhawm hileh.

---o0o---

Zillai - 7

Thagau Thiangtho leh Sathau nuna

Exo.30:22-30, 1John. 2:27

1. Sathau nu chungchang.

Malai Israelte leh a kiang kimvel ua namdang chengten le sathau nuna ti hi, a ngaisan lam tak uh ahi. Nam-detna(Ordination) gual in a ngai ua, bawl dan inle a bail-am thei pen hilo in a za-um leh ulsun thei pen in sathau nuna hun amang sek uh ahi. Ei ko-chuam dan ah sel leh sang i ti gual un Israelte namzia ah nei ahi(Exo.21:41, 1Lalte19:16, Exo.40:9-15, Lev.8:10-13) te et in Thiampute, zawlneite, Lalte chu sathau nu in ahinau chu pawm det ahi sek hi. Chun Biakbuk ah matchak Um leh Bel leh adangdangte chule a za-um na ding a thiangtho ahi ti etsakna'n sathau nu suak ahiu hi. Chun Pathian umpina leh Lalpa Thagau etsakna'n le mat ahi kit hi(Exo.30-34-38). Thiampute, Zawlneite, Lalte haw'n a mawpuaknateu a sep lawtin theina ding ua, Pathian pan-pina etsakna'n le mat ahi kit hi.

2. Sathau nu umzia.

Pakhatna chu Chap-

no, nuchek timai di hipen in ah(Sam23:5). Panina ah chun sunkhum, bundawk(Deut.28:40; Ruth 3:3) chun a pathumna chu kijutthaw, thau kinu tina lampang ahi kit hi(Amos6:6).

3. Sathau nu in a etsakte chu.

- I. A chuambik kawi ti etsakna ahi. bang hi ziang leh le sathau buak khum chun se chuam bikna vantang tawh kibanglo ah gelkhawk diakna a etsak hi(Gen.28:18).
- II. Thilhitheina leh thuneina piak etsakna ahi: Pathian in a guat chuam mai hilo in thuneina leh thilhitheina le Pathian in a piak etsakna'n sathau nu ahi sek hi.

Chun Lalte le sathau nu ahi phat uh leh, zia ni apat chun Pathian ai-aw in lal ah kichu tina ahi(1Sam.9:16; 16:3). Sathau nu ti thumal hi Aramic pau in Messiah ti ahi. Grikte pau in Kristos ti ahi kit ah, Vaiphei pau ah Thagau thiangtho leh thil hitheina'n sathau anu ahi(Nasep4:27; 10:38).

Sathau nu ti umzia thuktak nei gensen guallo ahidan zia apat in i zildaw kinep a um hi.

Genkhawm thei.

1. Bangtin ahem, Sakhua Sel leh Sang thilte hi iza zawk sem ua, i ngaisan zawk thei ding uh.

---o0o---

Zillai - 8

Pathian Thagau leh Lalte 1 Samuel 10:6-12; Phil.2:9-11

I Bible in Israel Lal dingte chu, zawlnei in sathau anu thu mu ding phabep tak a um hi. Sathau nuna in a etsak chu dinmun sangtak leh dawisakna lampang sangin nasem ding ah teptena leh mawpuakna piak ahina lam a kawk zaw'i. Tuhin Israel lalte lak ah Lal Saul leh Lal David te hawn Pathian Thagau a dawn dan uh leh a vaipuaknau ah umzia aneidan uh vak zil ding ihu.

1. Lalpa Thagau leh Lal Saul.

Pathian in Samuel kiangin Israel mipite dawtna dungzui in a Lal ding uh guat piak din a hil ah, zia dungzui ah chun Saul chu sathau a nuta, zia chu Israel Lalte zosia lak ah sathau nuna chang masapen ahi tai. Thagau nasep a chung ah a tundan leh sathau nu ahi thu Samuel 9-10 ah mu ahi. Sathau nu chu pawlam nasep

himalah sunggil lam tiang Pathian Thagau nasepna'n a zui ngal sek hi. Lal Saul in Ammon mite hangsan tak ah kidona a maitua ngamna ziak chu Pathian Thagau thilhitheina a kiang ah um ziak ahi(1 Sam.11:1-11). Pathian Thagau umpina zia kin melmate chung zawna a chang hi(1 Sam.11:12-15).

Pathian in sathau anu, Thagau ah a thuam Lal Saul a lopi mama, chun mawpuak-

na le a sang hi. Pathian thu a matlona chu huaisia talua ahi. Pathian in Israel Lal Saul kiang ah sep ding a piakte leh mawpuakna a piakte chu ama Saul ngei chun a pawdawk zo talo ahi.

2. Lalpa Thagau leh David.

Pathian in David chu Lal din a guat ah, Samuel in sathau anu hi. David chu mi danglam tak thilgihoi tumthiam, mi hangsan kidomi, thu genthiam leh melphatak ahi. Zia te zosia sang ah pawimaw zaw chu 'Lalpa chu a kiang ah a um' tihhi ahi(1Sam.16:18, 2Sam.5:10). Lalpa Thagau chu nasatak in a chungin ahungtung(1 Sam.16:13). Thagau thilpiak chu chu mangcha a mawpuaknate phatak ah a sepdaw dante hi kipakpi um tak ahi. David in Lal ahina a lawtinna zosia hi Thagau umpina a dawn ziak ahi(2Sam.22). David chanchin ah a khawken tak chu Bethsebi a zawntatpina leh a pawsal Uria gal kidona a thisak kha ahi. A gitlona chun nasatak in a thawk sak ah, zia chungchang ah a gitlo simna thu hawi takin a gen dawkh ah, a thil hikhial ziaakin a Thagau

chan chu la manglo din Pathian kiang ah a dawn hi(Sam51:11). David in chu Pathian Thagau bangkim mu lettu chu jamsan theilo ahi dan amu chian hi. 'La Thagau apat khawi ah chia mang ding ka hi em'? tin agen hi(Sam 139:7). Thil phalo bawlna chun i sung ah Thagau thiangtho chu a su hatlo in asu zawngkhal thei hi ti a hiat ziaakin, 'ka sung ah Thagau diktak ei siam thak piak in' tin a dawn hi(Sam51:10). David chu Lal Saul leh Samsonte tawh a kibatlona chu a gitlona Pathian kiang ngaidam dawn in kisik in gitlo a sim ngal sek hi. Lal Saul leh Samson te apat kisikna leh simna lungthim mu ahi puai.

'Pathian in ka lungthim gual pua' atina zia hile gitlo kisik ah Pathian kiang ah ngaidam dawn ah a gitlona chule a sim sek zia hi ding ahi. Gitlona nei leh le kisik ah sim ah Pathian ah a puklut sek ziaakin Samson leh Lal Saul te gual ah Thagau lakpiakna a tuak puai.

3. Pathian Thagau leh Mesiah.

Israel lalgam chu a puksiat zaw nung ah, Israel nam lopinate chu tuanthu mai a

chan phat in, beidawng tawp khawk ah kinepna anei sun uh chu khatvei tei chu David lal-gam gual kha mu kit a kinem uh ahi. Zia chu Messiah lal lopi hun chu hi din a kinem uh ahi. Zia lal hung um di chu Lal Thagau, pilna leh hiattheina Thagau, lemkuatna leh hatna Thagau, hiatna leh Lalpa launa Thagau chu achung ah chu di ahi ti ahi(Isai 11:2). Isai in Lalpa suak Pathian Thagau a chung kawi, jentelte chung ah vaihawm di, mi liangvaite kiang chanchinpha gen di Pathian sathau nu(Messiah) thu ala gen hi(Isai 61:1). Zia Lal hung um ding, Pathian sathau nu chu Israel ten ngakla tak in ala thilzing ui. Zia chu Lal Jesu'n ama ah kibultua in a thiltup leh a thil hi ding puandawna(Nazareth manifesto) lopi leh minthang mang in ala puang dawk hi.

“Liangvaite kiang ah chanchinpha gen ding ah ei guat ziakin, Pathian Thagau ka kiang in a um ama chun Sal te kiangah pawtdawna ding leh mitthumte mitvakna ding, suk-genthei ah umte pawtdawk sakna dingte, Lal lungdam kum thu gen ding in ei guat”

ati ahi(Luk.4:16-22). Pathian sathau nu thupipen chu Lal Jesu hi ahi. Amin umzia Messia chu Grik pau ah khrista eipau ah khrista chu sathaunu guat chuam tina ahung hita ahi. Pathian in sathau a nute lak ah lopi-pipen khrista Jesu ahi.

Genkhawm thei:

- I. Kochuam ah lawi upa Thagau mi leh tinzo tena(chetna) ding ah limna leh lamna, pakna lasak khawm lai ah khutbet tite hi apha em?
- II. Kochuam puituten thilphalo a bawl ua, Pathian Thagau in a nutsia chu a huaisiat dan gam leh mipite'n le lampi chuam chuam ale i thuak khawlaw thei dan uh genkhawm hileh.

---o0o---

Zillai - 9

Pathian Thagau leh Jawlneite**2Lalte2:7-15, 2Pet.1:20,21**

Israelte khawtang hinkhua leh sakhaw thil ah Jawlneite tawh kizawpmatna hawitak ala nei uh ahi. Nampi sung ah siatna huai-sia atun ding leh Pathian dawidan apat a petmang mang ding uh venghimitu leh thuhiltu ahiu hi. Jawlneite panlakna ziakin nampi keksia ding dinmun ah aum unle, tuamdamtu in Pathian in tuamdamtu ah ala mat sek hun tamtak a um hi. Tuhin Pathian Thagau in Jawlneite ala matchakdan zil ding ihu hi.

1. Jawlnei hi ding ah kona leh sathau nuna.

Pathian Thagau in Jawlnei ding ah a ko phat leh Thagau a chung ua a tunsak sek le a um ua, khenkhat chu a kiang ua Pathian thupiak hungtung chu, Thagau nasepna a chung ua a tunna gual ah pawm ngal le a um hi. Ezekiel chu nam kiphin mangte kiang ah Lalpa thu hiatsak puang ding ah ko ahi. “Ka kiang ah thu agen lai chun, Thagau chu keima ah hung lut in, ka keng in ei din sak ah” ti in ama ngei a gen hi(Ezk.2:2). Jeremia chu Jawlnei hi dingin Lalpan a ko ah, a kiang ah Lalpa thu chu ahung ah, “La nu gilpi sung ah ka siam ma kipat ka hun heta, la pian ma kipat in namte Jawlnei ding ah ka hun guat chuam

la hitai”(Jer.1:5). Mika Jawlnei chu Jawlnei hi ding ah kona ziak chu Jawlnei taktak hilo(-Jawlnei lem) te do ding leh lang ding ah ko ahi(Mik.3:5-8). Chun vaihawmtu leh thiampute diklo tak ah umte chu vantang masang ah gensia ngam in a um hi. Mika chun hindan dik leh hoi, apha leh pawmtak nei a kul zia a gen ual ah, nam leh gam phatsapna ding Thagau in a ngai pawimaw pen ahi(-Mik.6:8). Chun Isaiaah chu Israel nampi lauthawng ah aum lai uh Assuria ten hun do thut ziang thei ding ah gingmaw leh lauthawng ah a um lai uh ahi. Assuriate chu Israelte nan zaw gual lo ah galhat ahi lai uh ahi. Zia lauthawna chun Israelte a lua dim ah khawtang vaipuakna leh sakhua hinkhua

kilumlet lai ahi. Assuria in ahun phut ding apat kivenna dingin Aigupta te kineppi lo dingin Jawlnei Isai chun ami Israelte chu ava hil hi(Isai31:3). “Aigupta mite chu a sakol teu tawh Thagau hilo in mihing mai ahiu” ati piak hi. Pathian lemkuatna su lawting ding chu Aigupta leh sakolte hilo in Pathian Thagau ahi.

2. Jawlnei nasepna ding ah Thagau ah thuum.

Pathian in Israelte leh namdangte kiang ah a gitlona teu, puangdawk dingin Jawlneite Thagau in a thuum sek hi. Hansanna, hatna leh thilhitheinate Pathian in a pesek hi. Mika chun “Jakobte kiang ah a baw-siatnau, hetsak ding leh Israelte kiang a gitlonau hiatsak dingin, Lal Thagau zal in thilhitheinate, vaihawmnate leh hatnate chun ka dim takzet hi”(3:8) ala ti ahi. Jawlnei Isai inle “tuhi Lalpa Pathian chun, keima leh a Thagau chu ei sawl hi” ala ti ahi(48:16).

Thuthunglui ah Jawlneite chu Pathian Thagau thi-angtho in ako ah, a sawldawk ah, a pawl ah, hatna leh thilhitheina'n a thuum ah, a daw

gual chu ahil sek hi.

3. Jawlneite nasep.

Jawlnei nasep thupipen chu Pathian thu diktak ah puandaw mite a thugen uh a zawp leh jawplo uh chun vangphatna leh vangsiatna hungtung dingte le a puang khawm ngal sek ui. Ahungtung ding hun lam sangin amau hun leh phat lai ah Pathian thu diktak ah puandaw ah chiapi ding chu a tup uh ahi. Zia gual ma chun kochuam inle zia chu chiapi thei zing leh a daw um hi.

Thuthunglui ah Jawlneite chun dikna tun din kitna ding leh khawtang diklona dodalnate ah chun biak dan dik lampi ah mipi a kaihuai uh ahi. Nampi ding inle galvengtu ahiu hi. nam damna leh tun din kitna ding ah sautak a chung un a kingat hi. A nasep uh hi haksa tak, thi le lau umtak in na asem ui. Lal gilo leh lungate a maitua chang uh le a tam ah, thimai di dinmun lau um ah cum hun uh atam mama hi. Tulai kochuam inle i gam siamphatna ding ah Jawlneite a pan gual un i et thei ding sulnung mu di phatak tak ah a um hi.

Genkhawm thei:

- I. Gam leh nam siamphatna ding ah zawlneite nasep gual ah hangsan tak ah sepna dingte genkhawm hileh.
- II. Pathian nasemtu hina ding ah pawimaw chu Pathian kona hiatchian ahem, kipiakzawna?

---o0o---

Zillai - 10

**Pathian Thagau leh Israelte tundin kitna
Ezekiel 36:24-28; 37:14**

Israelte chu Temple suksiat leh sal ah puiman ahi phat un, a dinmun uh nasatak in asia zo ta. Zia hunlai ah ka la'u chu "Ka guteu a keu zota, ka kinepna teu a mangthai tai, nuaimang in ka um tau hi" ti ahi. Chuti dinmun huaisia tak ah a um lai ua, Pathian Thagau nasep, tundin kitna ding ah malaknate chu zilkhawm ding i hi.

**1. Pathian in Israel tundin-
kit a tup dan.**

Israelte dinmun huaisia tak ah a siat lai in, Babulon suak leh sal genthei tak hinkhua amang uh ahi. Chutia ama Pathian lam ah kihei kitna ding ah hatna le neizo talo ah umta chu suthiangtho ah suhal kit ah, hukdaw a guat thu Ezekiel in a puanlawkna thu ah mu ahi(Ezk.36:24). Ziate chu a nuai ah gual hi ahi:

- 1). Pathian in a buaknau zosia apat silthiang di(36:25).
- 2). Thinlung thak leh Thagau thak pian siam thak di(36:26).

3). Ama Thagau ngei chu pian tin, zia chun a dan zawm dik thei din panpi di(36:27).

4). A gam ngei un pui kit intin, apu leh pateu apat piakna gam ah chun umden tan tin uh, malzin hita puanau(36:28).

5). A gam uh chu malzawl in um intin, bu leh bal leh theiga tamtak pian, sukpun hin tin, nek ding neilo leh kial umta puan ah(36:28)

6). Mipite chun hun chiasa a hindan uh phalo leh gitlona kidak um tak te chu hezing intiu in, amau ngei in kidak tan'au.(36:31).

Pathian thiltup chu Is-

raelte a gam ua puikit chouh hilo in Thagau ah lungthim siam thakna le ahia. Zia chun taksa khawsakna lam ah le nek leh chak ah butinna leh malzawlina Lalpa hiatna gilzaw anei tak ziak un, gitlonate kidak theina le neita ding ahiu hi.

2. Thagau thak leh thinlung thak.

Jawlnei Ezekiel chu guam pakhat mihing gu keu gawp ah dim chu kilakna'n musak ahi. Thagau in zia gu keite chu a hinsak dan amu sak ahi(Ezk.37:1-14) Zia hin Israelte dinmun sia tak apat pathian Thagau in a suk hin kit dan mu ahi. Zia gukeu in Israelte sal ah atan nau a gen-thei dan uh leh a dinmun uh si-atdan taklatna ahi. Zia dinmun huaisia tak kineppi ding le um-talo dinmun apat chun Pathian Thagau in a hukdaw leh tunding kit ding uh hiatlawk sakna chu ahi. A thisa gual Israelte chu Pathian huthakhum chun tung ding kit in Sepai hawnping ating kit thei ui. Zia kilakna hi kochuam hinkhua tawh tekhnin ah Thagau lam hinkhua etsak, matchak mat di tam tak a um hi Pathian Thagau hep in khristian

Thagau ah hinna neizolo chu hinna a pia thei bep hi.

3. Israel thak.

Lalpa chu ka hi hetan lau(37:13). Israelte a gam ua puikit leh khawsak kit sak ah a um tawh kigual in Thagau thak a sung ua piak ah um chun lungthim thak leh hung putdan thak anei tau hi. Zia chun Israel thak Thagau nasepna zal mithak, nam thak, Israel thak asua ta ahi. Zia chu Pathian hing kochuam te dinmun le Thagau lam ahi ngei di ahi.

Genkhawm thei:

Gukeu gual ah kinepna neilote hi tulai ah kuate tawh tekhnin tehi ahi diam?

---o0o---

Zillai - 11

Thagau Thiangtho leh Lalpa Suak

Isai 61:1-3; 42:1

Israelte chu Sal ah kum sawt a tan phat un, sal apat kilekitna ding ah kinepna anei teu chu le ahung chuai deu deu ta, mi tamtak-te chun saltanna gam ah khawsak det nawpna le anei man tau hi. Saltan a tawp di kuan lam deu 550BC vel ah chun Lal Suak chungchang Isai in ahung puan dawk ta. Sal apat pawtdawna hun hung tung vak mai ding ah ginchakna chu ahun kaitho kit ta ahi. Tuchung in Pathian Thagau leh Lalpa suak nasep zil ding ihu hi.

1. Lalpa Suak chu kua ahem?

Lalpa suak leh a nasep ding dan hi Isai in a la phuak zia chu suak Late(song of suffering servant) tile ahi sek hi(Isai42:1-7; 49:1-6; 50:4-9; 52:13; 53:12). Lalpa suak hi kua ahem? ti thu ah ngaidan chuam chuam a um ah maleh pawmdan tangpi chu thuthungthak ah 'Messiah' hi ahi. Messiah chungchang gen lawkate chule ama ah a tung bukim hi. Zia thu hi hun sak phawt in Isai in a gen Lal suak chu Lalpa a ahi. Lalpa mi leh sa, a nasep ding ah a ko leh a teldaw chu ahia, Lalpa Thagau ah thuan le ahi. Dikna tun din kit leh khawvel pumpi chanchinpha hukdamna tunsak

ding chu Thagau ah dim Lalpa nasep chu ahi.

2. Lalpa Thagau chu a suak chung in a um.

Lalpa Thagau chu suakpa chung ah a um thu thuthunglui leh thuthungthak ah mu gelgel ahi. Isai61:1-3, Luka4:18-19). Lalpa suak hi ginumna kemit ah dikna tunsak ding ah Lalpan Thagau ah a luadim ahi(Isai42:1). Midangle su beidawng lo in, kido sangin kichamna, hen tang sangin zalen sak ding chu a nasepna zia tak chu ahidan kichian tak in a taklang hi.

3. Lalpa suak nasepna chu.

Lalpa suak Thagau ah dim chun a nasepna thil pali pawimaw taklat ah um te chu:

i). Dikna: Zia hi diklo chu suk-

dik tina ahi. Kiengbawlna leh kisawisakna ah sukgenthei a umte hukdaw leh zalen sak ahi. Chun Israelte Pathian tawh a kikal uh siamphat bep hilo. Israelte ding dikna tundin kit beple hilo in, mi zosia ding ah dikna tundin kit chu ahi.

ii). *Lungsiat leh lainatna:* Lalpa suak chu Thagau a lua dim ahi gual in Pathian lungsiatna leh lainatna kikawppi intin, mi hatlo leh liam thuakte lainat in thawkpi intin, lungsiat leh lainatna mang ah hinkhua tundinna nasep chu ahi.

iii). *Mit suvak din:* Lalpa suak chun mitthumte leh thim nuai ah umte kiang ah mitmu theina leh vak hun tun di ahi. Zia suak nasep hi a huap lian lam ah vak thil in mi kuale Pathian hukdamna vak neilo gitlo thim nuai ah leng ten vakna a muna ding uh ahi.

iv). *Hukdamna leh zalenna:* Lalpa Thagau ah dim Lalpa suak chun Israelte a saltanna apat hukdaw leh zalensak ahi. A huap lian lam in khawvel ah saltanna leh diklo tak ah ki hentangna chuam chuam apat thadaw leh

zalen sak ding chu ahi. Abraham chu mi zosia ding ah malzawlina ahi gual in, Lalpa suak chule Pathian malzawlina dikna tunsaktu hi ding ahi.

v). *Lalpa suak nasepna ah thukna:* Lalpa suak nasepna ah chun nasatak ah dalna leh pampai leh dawilona, musit leh hansia lawna, jepna leh chilsetkhumnate a um hi. Mihingte musit leh dawilo lungngaina leh natna in a tak buak, mite muda leh kuama ngaisanlo leh gelkhawlo ahi. Pathian Thagau zal in suak chun thuk mualsuak in mihingte ding ah thil pawimaw zosia thuk mualsuak in zotuhina leh chawihawi in a um hi.

Genkhawm thei:

I. Tulai kochuam hun ah Lalpa suak kingaitawm dan apat zildaw thei te taklat hileh.

---o0o---

Zillai - 12

Thagau Thiangtho leh Jawlnei lemte**Jeremia 14:15,16; 2Pet.2:1-3; Ezk.13:3**

Jawlnei lemte hi Pathian apat hilo in, mipite lam lau um ah puilut ahiziakun, Bible ah amau haw demna tamtak mu di a um hi. A hindan uh leh a kamsuakteu thutak gual ahi tho ziakin, hiatkhen a haksatna le a um hi. Tuhin Pathian Thagau in Jawlnei lemte a pawmlo thu leh amau tawh Jawlnei dik hiatkhen theinate zil guai tiu.

1. Jawlnei lemte hindan.

A tangpi Jawlnei lemte chu dikna, thianthona felna a tasam deu sek ui. A thupi thei pen in a um nuam in amau a kigen pha nuam sek ui. Kithunun jolo in, taksa dawidan in a um sek ui. Pathian thu dungzui inle titlo in, thil ahi khial uh pathum te a nuai ah gual in sulang hiti.

i). Zukham in aum sek ui.

Kilakna Pathian apat a dawng puau in, vaihawmna inle a hawm thei puau hi a dawkan uh le luak in a dim ah, thianthona him anei puau(Isai28:7,8).

ii). Numei-Pawsal hina ah gitlo bawl.

Samari Jawlneite chung in kidak um ka mu, Ba-al min lam in thu agen ui, Israelte a puimang ui. Jerusalem Jawlnei chung ah le thil huaisia

ka mu'i, a jawntat ua, juau in a khawsau ah, thil phalo bawlte khut a suhat ui, kuaman gitlo a sim nawplo khawlaw ui. Sodom leh Gomorra mite gual kha ahiu hi(-Jer.23:13-14).

iii). Du-amna in a um ui.

Jeremia chun "Mitin du-amna'n a dim ua, aneupen apat alianpen tiangin, Jawlnei leh Thiampute ziangle mithepna'n a dim tau hi(Jer.6:13). "Jawlneite chun le paisa muna dingin thu a genlawk sek ui" Mika Jawlnei inle ala gen hi(ki.3:11).

2. Mipi hindan pha ziltit din a hangsan puau hi.

Jawlnei lemte hun ah chun gitlona tincheng in vantang hinkhua a ne sia zo ta, nek leh chak hawlina ah le apha diak puau. Mi gentheite nechep ahiu

a, vaihawmtute ziangle gitlona lam ah awnzawte ala hiu hi. Kithawina naupang mat maile a chindan uh ahia, Thagau lam inle jawntatna a nasa. Pathian thuthung bawtsia'n gamdang pathian te aho san ui. Zia gual dinmun mipi a um lai unle dik kisa tak in a lungngai kei puau hi. "Bangkim hi apha zel nai" ati zing nalai ui(Jer.5:12). "Lalpa chu jaidaw thei ahi ziakin bangma bawl puana. ei gawt puan tin, kial leh chemsau mangin ei gawt puan ah" atiu ahi. Vantang gitlonate chu sawisel ngamlo in a pawmpi ta zawu hi(Jer.23:16,17).

3. Pathian apat in thuneina a dawng puau.

Jawlnei lemte chun Pathian apat thu dawng in kigen maleu, Pathian chenchilna amau ah mu di a um puai. Pathian chun a sawl ngai himhim puai. (Jer.23:21,22) ah chun "Jawlneite chu ka sawllo in atai ua, a kiang ua thu ka genlo inle thu agen ua, ka lemguat ah chun um hita ve leu, ka thute hi ka mite kiang ah puang in, a gitlonau apat hung kihei ding ahiu in" ti ahi. Jawlnei lemte malam thupuan

a dikpua a thupuan lawk uh le zuau ahi. Zia gual Jawlnei lemte hin Thagau ka chang ui tileu le Pathian Thagau hilo in Thagau phalo leh diklo hi ding ahi. Thuthunglui ah Jawlnei lemte zilngaihna hi, tuhun din le a pawimaw zing ahi. thuthunglui hunlai ah Jawlnei lemte gual hi, kochuam gam inle um thei ahi. Pathian malzawlna lam chouh kineppi, taksa ama lawkna ding bep ah sem a um thei hi. Chun mipite haksatnate le suk navak gaw diaklo a um thei hi.

Genkhawm thei:

Jawlnei diklo/alemte mizia i hiatte bang bang ahem?

---o0o---

Zillai - 13

Thagau Thiangtho leh Jawlnei dikte Deut.18:9-10; Amos 3:7,8

Thuthunglui hunlai in Jawlnei lemte hung umsek maleu, Jawlnei dik Pathian Thagau thiangtho kaihuaina zal ah nasem a um zing tho hi. Pathian dawi gual ah thugen Jawlnei dikte nasep zil hitiu.

1. Jawlnei dikte chun thudik a gen ui.

Jawlnei dik chun phuak-kawm leh mipi kipakna ding bep thugen atup ngai puau. Lalpan gen ding ah a piakte chu ahe ding diktakte kiang in a gen ui. Jawlnei nasep ding chu jia ngei chu ahi. Jawlnei nasep chu hiatsak leh zilngai ahi(Neh.9:20). Zia hi Thagau thiangtho nasep chule ahi. Nathan chun Pathian in gen ding ah asawl gual in David thilbawl diklo chu a maichang ngei ah hangsan takin a gen piak hi. "Bang atia hem, Lalpa thu ngainep ah, a mitmu ah thil phalo la bawl ziang? Hit mi Uria chu chemzam in la thisak ah, a zi chu la zi ding in la lakpiak ah..... ziaziakchun chemjam in la inkuan nusia puan ah.....ti in-(2Sam.12:9-10). Chun Jawlnei Eliza inle Pathian thupiak gual inle Lal Ahab te nupan kiang ah a thilbawl ua Pathian kipak

lo zia leh a chung ua thil phalo hungtung ding chu ama ngei in ava hiatsak ngam hi.

Chun Jawlnei Jeremia chun Pathian apat athu dawn Babulon Lal in ahung dolona din gam man(sia) piak ding thu agen sek hi. Zia a thupuan ziak chun nam phatsantu ah ngaw in kawkhuk ah khiaklut leh su-angkul in a khum ui. Chun Samuel inle a neulai ah enkawltu apu Eli kiangin, a chapate tawh a chung ua siatna tung ding chu hangsan tak in ahil ngam hi. Chun lawman tamtak piak tiam himaleh Balaam chun Israelte chu malzawlina ape sek hi, Lal Balak dawilo gual takin, Bangtin hem Pathian hansia law lo chu kei man hansia ka law ding? bangtin Pathian in a demlo ka dem ding: ala ti hial hi. Pathian Thagau in a pui Jawlnei dikte chun thudik a genlo thei puau hi.

2. Dikna panpi'n hangsan takin a ding ngam ui.

Saltan ma ah Jawlnei dik ten Pathian thupiak dungzui ah thu a puan jgak un, mi huat ahui ah a khenkhat vang thi khawlaw le a um ui. Chun Amos inle sakhua lamkaite huat alaw dawk ah, a nasepna mun chawn piak ahi. Hosea inle kichenna keksia thu a puan ding ziakin a nupan hinkhua un a thuak hi. Jeremia inle thalup ding ah vauna tiang a tuak ah a gualte pakhat Uria vang chu a thi khawlaw ahi.

Chun Jawlnei dikte chu Pathian thu diktak ah puangdawkte ahiziakun, jawlnei Mika chun Thagau ah dim te umzia chu thutak leh dikna a dim tina gual in agen hi. Dik tak ah thilbawl ti leh Thagau ah dim ti hi pumkhat lakkhentheilo ahi. Dikna, felna leh thutak gelkhawlo chu Pathian in kuama Jawlnei amang ngai puai(Jeremia 9:23,24) ah chun "Lalpa'n zia gual in a gen hi" Mipil chun a pilna suang ki henla, mihat inle a hatna suang kihen, mi hausea chun le a sum lhe pai suang diak kihen. A suan tapo in vang zia hi suang tau hen, kei hi ngil-

neinate, diknate, felnate zia lei ah mangcha sek ka hi, ti ei hiat ua, a hiathiam uhi. Zia te ka pakna lamtak ahi ngal ah, ti hi Lalpa kamsuak ahi ti in.

Tulai ah Jawlnei nasep ding.

Tulai ah Pathian nasepna inle Pathian Thagau hiatsak ah sem ahi em? Pathian in bawlding leh gen di a tite chu asem daw em? Milian leh thuneitute maipha hawl ah chetthei utna ziak ah Pathian apat hetsaknate chiapi lo ah amau haw pachatna thu lampang gengen ziangte hi a dikna diam? Gam kivaipuakna Govt. lam thu ah kitatnat nawplo ziak ah diklo tak ah thil kibawlte limsaklo ziang chu Jawlnei dikte bawl dan ahilo ahi.

Thuthunglui ah Jawlnei dikte chu gam kivaipuakna thil ah kitatnatlo di ti lampang a chiapi ngai puau hi. Zia bep chu hilo Lalpa'n puandaw ding ati taphawt chu kuama maipha enlo in a pawimaw ahileh thi le laulo in Leng leh Lalte le amaitua mai sek uh ahi.

Tuhun ah kochuam ma-puituten le thuthunglui ah Jawlnei dikte bawl gual in Pathian Thagau in ei ko ah ei sawl ahi

phawt chun midangte musit-
na leh gensiatna leh minsiat-
na tincheng thuak di hile hin-
le, chun i sungkuan natiang in
thawk ding hita mawng leh le,
Pathian in ei kawkmu, Pathi-
an in gendaw di ati taphawt
chu i gen ngam di hilo ahem?
Pathian Thagau in thudik dinpi
ngamna le a pawimaw dungzui
in ei thuum thei ahi.

Genkhawm thei:

- I. Jawlnei dikte hansante kha khawi apat ahi diam?
- II. Hangsan leh dik tak ah pan-
ngam leh ziltiil kochuamte hi
dingin i ngai zel uh em?

---o0o---

Zillai - 14

**Pathian Thagau leh Kingaitawmna hinkhua
Num.14:11-19; Num.12:13**

Tuni'n Pathian Thagau nasep Mosia hinkhua kilang kingaitawmna nun i changtel in a taklatte apat zil gaw ding ihi(Heb.3:5) ah chun "Mosia chu Pathian insung zosia nasem ahina ah chun a ginum pen hi" ala ti hial hi. Ama kipat kingaitawmna zil thei te chu:-

**1. Chapona panglo thil-
hitheina.**

"Mosia chu leichung ah mi zosia lak ah thunuaigawl leh nunnempen ahi"(Num.12:3). Zia hi Mosia nungchang phatna, thilhitheina leh kingaitawmna etsakna thupi tak chu ahi. Chun 'Zaidam' ti hin 'Kingaitawm' 'kikawiniam' tawmna ti a kawk hi. Mosia chu khawvel ah kingaitawm thei pen ahi

tawh kigual in, mihing ah piang zosia leh ah puitu lopipen leh nam tungdingtu lopitak chu ahi. Puitu pha leh lopi ahina ziak chu kingaitawmna ahi, a thilhitheina thuguk chu Pathian Thagau ah a kingak det ziak ahi.

Nam ngainatna ziak in Aigupta mi a that ah, Pathian panglo ah Leng chapa ziang hileh le a panlak dan chu apha

pua, a jammang a ngaita hial ahi. Pathian panglo nampi ding ah panlakna chu a hawi pua, kum 40 lam belum chingin ahun a amang ah, zia kum 40 sung in kingaitawm a mizia tamtak a haksatna apat in zildawk hi ngei ding ahi. A hatlona a kihiat ah, Pathian in Israelte puidawk ding ah a sawl ah khanle a kisuangla khawp mai ahi kha!.

Chun Mosia chu Aigup-ta pilna zosia zilsak ahung hi zaw phat in, thugen leh nasep ah thilhithei tak ahung hi tai(Nasepte7:22). Chun kum 80 mi ahi in namkhat kaihuai thei khawp galdo hat le hingeri ding ahi. Zia ban ah vaihawm thiam le ahi kit hi. Mosia hin hinkhua haksatna tatak tuak zing maleh Lalpa Thagau hatna mangcha thei ding ah kituklut dan thiam ahi. Hatsatna ten a sukchau zawlo khawp in Pathian ah a kinga zo hi. Pianpi thiamna leh zia chun kingalo in Pathian ah kingaitawm in Pathian lungthim a hawl zing mai hi. Mosia kingaitawmna pani zil nalai hitiu. Ziate chu:-

(i) Pathian Thagau ah kingat ngamna.

Num 11- ah mipi sadu ah a kiphin lai un Mosia chu asia zosia a ngaw tau hi. Zia hun haksa tak mai ah hin puitu khat hina ah dinmun haksa tak ah um ahi. Mipi simsenlo thalek gamkeu ah asa nekkhawp ding uh chu vak ngaitua mai inle thi khawlaw theina himaleh Pathian lam en in Thagau thilhitheina chun a kinga zing ah, tichun nek senlo khawp in Pathian in mipite chu vamim sa'n avak ta ahi.

(ii) Midangte Thagau chan a pawmpi thei hi.

Pathian chung a kingat nga beplo midangte chule muang in achung ua, kingat ngamnale anei hi. Thagau ah en i dawn leh i changte hile midang inle a dawng thei tho ui ti hi Mosia in a mimuan-ngamna ettawn tak tak chu ahi. Midangten Thagau ah a thildawn uh pawmpi thiam ah, chanvo le midang te hawm ngam ah um hi Thagau mizia dawi um Mosia ah chu a um hi.

2. Thangsiatna panglo thilhitheina.

Mosia kithuapi di upa 70 teldaw thu in(-Num.11:24-28) puito ahina ah lopinate chu midangte le hawp a nuam hi. Thangsiatna

him anei puai. Eima beplo midangte tawh kithua ah sep daw ding chu Thagau ah mihat Mosia lung lam tak ahi.

Chun ama panpi ding upa 70 teldaw ah umte chu Pathian biakbuk masang ah a dinpi ah, zia chun Pathian in Mosia apat Thagau khenkhat chu ladawk in upate chung in ahun tunsak ta ahi. Thagau a chung ua ahung tun phat in Jawlnei thu genlawk te chu agen sausau ziang ui. Aman upa 70 te belapna din Elad leh Medad inle Thagau chu changin puanbuk sung in thupuante a puang ui. Zia chu zada ah khamtang dingin Mosia kiang in ava tut ui. Mosia chun khamtang lo in “Lalpa mi zosia hi Jawlnei hi chiat uh henla, Lalpa’n a chung ua Thagau chu kaw i chiat leh ka ti nalai hi” ti in thangsiatna neilo Mosia chun agen belap nalai hi(Num.11:29). Pathian tawh kizawpna dettak nei ahi ziakin midang thangsiatna himhim aneilo ahi.

Mi lopi hi nawpna leh du-amna neilo Mosia.

Mosia in Pathian chu Israelte chung ah lungna himan-thai a guat lai in ngaida a dawt

piak hi. Israelte himangthai ding khawp hial in Pathian chu alung ana tai. Mosia vang hi mangthailo ah nam thak lopitak ah siam a guat lai in, Mosia chu zia gual in a pauchap hi. Ni 40 leh jan 40 ah a pauchapna chu: “Aw Lalpa Pathian, la lopina la tatdaw, khut hat tak mai ah Aigupta gam ah kipat nangma mite leh la gochan ding ah la puidawte hi mangthai kin. La suak Abraham, Isak leh Jakobte kha he zing inla; jia mite lochaldan gitlo dan leh phatlo dan teu hi limsak kin. A chut-ilo leh lei puidawna gam ah mite chun Lalpa’n a gamtiam a puitun theilo zia leh, amau haw a huat ziaki, gamthip a thigam ding ah a puidaw ahi” ti khanau. La thil hi lopitak leh la banjak ah la puidaw la mite leh la gochante chu ahi ngal un, atia” (Deut.9:25-29). Mipite chu lungsiat a um zia ua pauchap piakna lam sangin, Pathian lopina namdang ten amu theina ding lampang uh a buai pi hi(Num.14:13-16). Chun, Pathian hepina hau zia apat in a pauchap kit hi(-Num.14:17,18). Pathian in “Hatna hilo in, thilhitheina le hi

diaklo in ka Thagau ziak zaw'n"(zek.4:6) ala ti hi Mosia chanchin hin asu lang diak hi. Mosia chu chapona, thangsiatna, du-amna, mi lopi hi nawpnate hi ama lungput in mun leh gam a neilo ahi.

Genkhawm thei:

I. Kingaitawmna hinkhua i neitheina ding ah thil pawimaw Mosia hindan i hette gen belap hileh.

---o0o---

KHEN III

Thagau Thiangtho Chanchinpha bute apat

Khen thumna(III) i zilkhawm ding uh chu chanchinpha bu pali te ah Thagau thiangtho nasep dante, Thagau thiangtho chung ah gitlonate hi ding ahi.

Zillai - 15

Chanchinpha bute Thagau thiangtho latdan

Mat.28:18-20; Marka 1:6-12; 14:18

Thagau thiangtho ti hi, Thuthungthak kamsuak ahi deu hi. Thuthunglui lam ah chun Pathian Thagau 'Lalpa Thagau' ti ahi dungzui in agen uh kibang ahi ziaikin Thagau thiangtho ti ah i mat zel mai ahi.

Tuni Thagau thiangtho chanchinpha bu pali te taklat ahi dan aban ban in zil hitiu.

1. Matthai apat.

Jesu hung pianna ding ah le Thagau thiangtho in pan ala pan ngal ahi. Mari gaisak Thagau thiangtho ahi(1:28). Joseph kiang inle Mari nauvawp chu Thagau thiangtho

apat ahidan hil ahi(1:20). Thagau thiangtho leh mei ah Baptise ding chu Jesu ahi dan mu ahi(3:11). Setan thep ding ah gamkeu ah puilut tu Thagau thiangtho ahidan mu ahi(4:1). Jesu'n Thagau thiangtho ziak

ah thithate nawdawk ka hi chun Pathian gam chu la lak un a um ta tina ahi(12:28). Matthai chun Lal Jesu nasepna zosia'n Thagau thiango in ave tha zing in ataklang hi. Thagau thiango chu Pathian in Jesu chung ah kawi intin ama chun Jentel kiang in a vaihawmna puang dawk in ah ati ahi(12:18).

Jesu nungjuite chu mat leh sukgenthei himaleu a thugen ding uh chu Thagau in hetsak ding ahi ti in a henem hi(10:20). Chutichun chia'u inla, namtin ah mite nungzui in siam unla, Pa leh Chapa leh Thagau thiango min in baptise unla..... ati ahi(28:19). Matthai in Thagau Thagau thiango leh chanchinpha puan thu hi agen zawm ten hi. Zia ban ah chun Thagau thiango chu Pathian pakhat ah mihing pathum te lak ah pakhat ahina a taklang hi (Trinity thugin taklat le ahi).

2. Marka apat alat dan.

Baptisma a chan zaw ah Thagau thiango vakhu gual ah a chung ah ahung chuk thu leh van apat awgi chun Pathian chapa ahi ti ah ahun puan thu mu ahi. Thagau ma

chun gamthip gam ah a sawldaw thu agen hi(1:10-12). Lal Jesu nasepna pumpi Thagau thiango in mun pawimaw tak alua zing thu alang hi. Chun Thagau thiango zet gensia vang bangmatik in ngaidam a hilo ding thu le alang hi(3:29). Gingtute mat ah, sawisak ah, vaihawmtute masang ah din-sak ahi phat uh leh, "Bang ka gen diam ti ah buailo ding". Thagau thiango in agen ding uh hun pema ding ahi thu alang hi. Lal Jesu leh a nungzuite Pathian nasepna ah Thagau thiango in mun lailung pen alua thu mu ahi.

3. Luka zik apat alatdan.

Chanchinpha Luka apat alatdan in, Baptistu Johan pian ma apat na sem pan-ta, anu sung ah a umlai inle Thagau thiango ah dim ti in a zik(1:15). Jesu pian di thu inle Thagau thiango in panla pan ngal ah mu ahi(1:35). Mari in Elizabeth ave thak lai in, Elizabeth chu 'Thagau thiango in a dim' ti ahi(1:41). Lal Jesu nasepna pumpi inle Thagau thiango hi a kawi masa zel ahidan, Thagau thiango in setan in a thep ding ah a sawldaw

masang ziang inle Thagau ah dim ahidan a kilang hi. Chuleh Thagau thiangtho ah thuam ah um in Galilee lam ah chia kit ti ahi(4:14). Nazareth khua ki-khawpna a thugen masa ah le Thagau thiangtho chu a chung ah a um thu mu ahi(4:18). Chun a dawnte kiang ah Thagau thiangtho piak ahi di thu le asulang hi(11:13).

4. Johan apat a latdan.

‘Thagau Thiangtho’ ti kampau langtamlo maleh a nasep taklatna lampang vang a tam kit tho hi. Baptist Johan in Jesu chungchang a genna ah chun, ‘A chung ah Thagau thiangtho hung suk ah, a chung ah hung chu, um zing la muna penpen chu, zia mi chu Thagau thiangtho ah baptispa ding chu hi ding ahi’ ala ti sa kha ahi(1:33). Thagau thiangtho chu mite pianthak saktu ahi thu agen lang hi. Chun tui leh Thagau ah piangthaklo Pathian gam lutlo di thu le agen hi(3:5). Pianthakna chu Thagau nasep liau liau ahidan mu ahi kit hi(3:8). Jesu thi leh thawkit zaw ah Thagau thiangtho ahun sawl ding thu ual tak in agen hi. Thamuantu, Thagau diktak,

Thagau thutak ti inle a gen hi(14:16-17). Thagau thiangtho chun ama dawidan ah na sem mailo in khrista chu chawihawi zaw ding ahi(16:13). Thagau thiangtho chun gingtute ziltil intin, thutak ah pulut di ahi(16:12,13). Thil hungtung dingte hiatsaktu ahi danle mu ahi. Thagau thiangtho chun mi a gitlo zia hiatsak in Pathian ngaidamna chang ding in a panpi thei kit hi.

Thagau thiangtho leh a nasep chanchinpha bu 4 ten a taklat uh ivak gente apat in Thagau thiangtho mizia leh nasep dan chu thamuantu bep hilo in, Pathian nasepna ah panpitu leh thepna zawsaktu, thawkna mun suhangsantu ahina lam agen tam khawp mai hi.

Genkhawm thei:

I. Chanchinpha bulite apat Thagau thiangtho chungchang ah a ngai pawimaw pen ua i hette genkhawm hileh.

---o0o---

Zillai - 16

Thagau thiangtho leh Lal Jesu nasepna

Thagau thiangtho in a kaihuai, a sukhat leh a umpi hi ti Lal Jesu nasepna zosia muthei ahi. A pian apat a thi tiang beplo a thawk-itna tiang in Thagau thiangtho nasep leh lemguat ahi. Thagau thiangtho leh Lal Jesu nasepna zil ding ihi.

1. A Pianna thu ah Thagau thiangtho.

Mari chu “Thagau thiangtho in a gai sak hi ti ahung he tau ah”(Mat.1:18). Joseph le Mari zi ah nei chu laulo dingin hil ahi. Thagau thiangtho vawp sak ahi ziakin(Mat.1:20). Mari na tiang inle hethiamlo in zia chu bang tin umthei di ahem?(Luk.1:34) ala tia. ‘Thagau Thiangtho chu la chung ah hungtung in ah’ ti ah gen piak ahi. ‘Thagau thiangtho in a gai sak’ ti thu in a gen nawp pen chu: Lal Jesu nasepna pumpyi chu Thagau thiangtho kaihuaina ngawn ahi tina ahi.

2. Baptisma chan leh na a sepna ah.

Jesu Baptisma a chan ah thiltung hi ngaitua in(Trinity) Pathian ah mihing pathum a kilang hi. Chapa baptisma a chang ah, Thagau thiangtho chu vakhu gual in ahung kumsuk

ah, Pa Pathian chun Aw hunsua in ‘Ka chapa dawitak’ ahun tia. Chanchinpha Luka chun ‘Jesu chu Thagau thiangtho in dim in’ ati thep ah aum lai leh setan in a thep zawlo na ziak le Thagau pui ah a um ziak, chun Thagau thiangtho thilhitheina ah kithuam in Galilee lam ah a chiakit hi(Luk.4:14). “Liangvaite kiang ah chanchinpha gen ding ah ei guat ziakin Pathian Thagau ka chung in a um hi” ati (Luk.4:18). Pathian Thagau ziak ah thitha nawdawk thei ahi(Mat.12:28).

3. A thi leh a thawkitna.

Lal Jesu thina hi mawk hung um hilo in Pathian Thagau thiangtho lemguat ah hung um ahidan chanchinphate chun a taklang ui. Lal Jesu thina leh thawkitna ah Thagau thiangtho in dinmun pawimaw pen a chang hi. A thi inle ‘Jesu a thi tai’ ti mailo in ‘A Thagau a tha tai’ ti kampau a mang chiat ui

ti chanchinpha bu palite apat mu ahi(Mat.27:50; Mk.15:37; Lk.23:46; Jn.19:30).

Jesu a thina apat kaitawh chu Thagau thiangtho ahidan(Rom.8:11) ah mu ahi.

II. Lal Jesu nasepna pumpi Thagau thiangtho a pawimaw gual ma in, I hinna leh nasepna Thagau thiangtho kaihuaina a pawimawna genkhawm hileh.

Genkhawm thei:

I. Kochuam nasemtute hi Kochuam Dan huitung tak ah tel leh guat a pawimawna genkhawm hileh.

---o0o---

Zillai - 17

Lal Jesu ziltina leh Thagau thiangtho

Johan 4:24; 14:16,17

Lal Jesu hina leh a nasep ah Thagau thiangtho pawimawna i zil tau ah, tuhin ama Lal Jesu ngei Thagau thiangtho chungchang ah a ziltina chu zilkhawm kit hitiu.

Jesu'n Thagau thiangtho chungchang a ziltina hi a diak in Johan chanchinpha apat ahi diak hi. Samari numei tawh a holimnau ah Jesu chun 'Pathian chu Thagau ahin, ama ho ding ten Thagau leh thutak ah aho ding uh ahi' atia. Zia umzia chu Pathian chu khumbichil theilo Jerusalem ahem Gerizim tang bep ah um hilo-muntin ah ah Thagau ah um,

a mite kikhawpna taphawt ah alak ua um tina ahi. Nikodem tawh a kiho nau apat in Thagau thiangtho chu pianthakna ding ah palai(agent) ahidan muthei ahi(6:63). Jesu chu a nungzuite kiang ah Palistine ah a um sung sia'n, Thagau chun ama ah chun na ala sem hi, ama tawh kikawpvaina zal in mite chu Thagau in a dim thei ui. 'Ka thugente hi Thagau ahia hinna

le ahi' ala tia. Maleh hun hung chia zel in Jesu leh a nungzuite chule Palestine ah a um taklo hun uh hung tung ding ah chun ala kiginglawk din ahil hi. Zia thamuantu Thagau ah chun a kiang ua um zing ding(taksa ah hilo Thagau ah) Thagau thi-angtho palai na ziak ah hi ding ahi.

(Johan 14:16) Jesu chun thamuanpa dang khat hung ding chu ala gen hi. Grik thumal 'Parakeletos' a umzia chu 'kuale ei lam ah pang ding ah ko' i haksat hun ah, isik ah pang ding -thutantu tina lampang ahi. Zia tak ah panpitu ahiloleh thamuanpa hi, Thagau thutak chu ahi. Ama ngei chun bangkim ei hil ding. Lal Jesu thugen zosia ei hiat daw sak ding ti ahi(14:26). 'Naucha gual in hun nusia puangka, la kiang ua hung kit ding ka hi'(14:18) ati hi Pentecost ni a bukim ta ahi.

Thamuanpa ti ah Vaiphei Bible in agen hi pawsal genna ahia zia chu I Bible hi a hawi diakna khat ahi. Thagau(spirit) ahi phat leh vang numei leh pawsal genkhawmna um diaklo tina ahi. Thagau thi-

angtho chun ka thugen zosia chu hun hiatdaw sak ding ahi atia(14:26). Lal Jesu gendan ah chun: Thagau thiangtho, Jesu ngei in Pa apat a hun sawl di chun, thutak ah hun puilut in-tin- zia chu Pathian ngei chu ahi tina ahi.

Tuhin chanchinpha bu masa pathumte apat Thagau thiangtho gensia chu ngaidam theilo ahidan Jesu ziltina chawmcha'n taklang hiti. A kilatnate(Mat.12:31,32; Mk.3:28-30; Lk.12:10). Bang hem ti'a vak lunggel in Jesu chun Thagau thiangtho hi ama(Jesu) sang ah lopi zaw gual ah a gen bang maleh, zia chu hilo zaw'n, thakhat dinmun kibang atina ahi zaw'i. Mihi-am chapa gensiatna ngaidam hin tin, Thagau thiangtho gensiatna vang tu leh hun umkit ding ah le ngaidam hilo ding ahi. Zia thu a genna ziak pen chu Jesu'n thilpha leh thilmak a bawlte chu gingcha tawplo ah thitha(Belzabul) ziak ah thilmak bawl thei dan ah a gen ziak uh ahi. Setan lengpa ziak ah thitha nawdawk ahi chun setan lalgam chu ama leh ama kido ahiu tina ahi. Zia chu thilhitheilo

ahia, Thagau thiangtho ziak ah
nawdawk ahi tak zia kin Pathi-
an lalgam chu gingtute lak ah a
um tai ti etsakna ahi ta ahi. Lal
Jesu thilmak bawlte a gensiat
piak ua, a ginchaklo zia kun,
zia a ginchaklo natak uh ahi,
Pathian Thagau thiangtho a
gensiatna gual in Jesu chun
a gen piak ahi. Gitlo kisikna
leh ngaidam dawtna Pathian
masang a um thei theilo chun
Thagau thiangtho gensia tina
ahia, ziate chu a gitlona'u,

zia khawvel hung um kit ding
tiang in ngaidamna chang talo
ding ahiu tina ahi. Jesu ziltina
leh nasepna ginchaklona chu
Thagau thiangtho gensiatna
ngaidam theilo gitlona chu ahi
pen hi.

Genkhawm thei:

1. Thagau thiangtho leh git-
lo ngaidam theilo thu hi
genkhawm hileh.

---o0o---

KHEN LINA

**Thagau thiangtho sawlchakte nasep ah a latdan hi
tu'n zil kit ding ihu hi.**

Zillai - 18

Pentecost ni Thagau thiangtho ahung tun thu.**Joel 2:28-32; Nasep 2:1-4.**

Pentecost ni 'Sawmngana' tina ahi. Juda kut poimaw pathumte lak ah khat ahi. Zia kut hi chiakan kut apat ni 50 a tinni matsek ahi. Judate chun pawltak kut ahem Hapta kut le ati sek ui. Thokit Lal Jesu'n "Jerusalem khua nusia taisan ki'u in(Ns.1:4) ati Pentecost ni ah gingtute kiang ah Thagau thiangtho gingtute chung ah hungtung ah, zia thu chu i zil diu ahi.

1. Pentecost ni Thagau thiangtho ahungtung.

Pentecost ni gingtute a umkhawm lai ua thakhat pi a chungua thigawpi guala chung ua ahungtung ah a chung chiat un ahung chuta, Thagau thiangtho in a dim chiat ui. Zia tak ah Thagau thiangtho hi thuthunglui ah Pathian Thagau ahem Lal Thagau tho kha ahi. Pentecost ni hi kochuam ahung din patni ti ah gen pawl a um hi. Khenkhat kit chun kochuam tun din thak kitni ti ah gen pawl a um kit hi. A thutiam dungzui in Lal Jesu chu van ah a kalto ta, Pa Pathian apat in Thagau thiangtho ahun sawl hi. Pentecost ah thiltungte khaikhawmna ah chun, Jesu van ah kaltona, Thagau thiangtho hungtung chun gingtute lauthawng ah kikulkhupte chu hung hangsan in

chanchinpha thu ah hung vak zak pan tau ti ahi.

Pentecost ni Thagau thiangtho hung tun ah khan teptenate tawh ahungtung khawm hi. Thagau thiangtho hung tunna chu naknuai kamhawm in a genchian zolo ziakin "tawh bang" ti in a gen hi. 'Huipi hat tak tawh bang' meikuang 'gual ah lei kikhezak' tite hi agendan chu ahi. Huipi leh mei chun thilhitheina a etsak hi. Zia chun amau gingtute ahun lua dimta ahi. Chun leih meikuang gual a kihawm zak gingtute chungchiat ah um ti hi pau danglam ah a pau theina ding uh tina hi ngei ding ahi. Thagau thiangtho in a pau daw sak gual chiat in pau danglam in a pau chiat tau hi(Ns.2:2-4). Thagau thiangtho thilhitheina nasatak ah a umna thu ahi.

2. Thagau thiangtho ah dim chu, mi zosia nei thei ahi.

Thagau thiangtho Pentecost ni hungtung hi mi zosia a ding ahi. "A leng u Thagau in a dim chiat ui" ti ahi(2:4). Chun lei a kihawmzak sa achung ua hung hu hiat(2:3) ti ahi. Thagau thiangtho ah a sim chiat ziakun, pau danglam in a paudawk chiat tau hi ati ahi. Mimal leh a leng takin Thagau thiangtho in a lua dim chiat tina ahi. Pentecost ni Thagau thiangtho hung tunna hi a lopina mama leh amak diakna chu a husa(thawmgit) chu hiat thei(thigawpi hattak gual ah husa nei) mutheilo hi ngal maleh a dawngtu mihingte chung ah a nasep mit ngei ah muthei ding ah pau danglam ah apau dan teu leh hangsanna anei dan teu chu a kichian hi.

Thuthunglui hun ah chun, Thagau thiangtho a pawlpi hina dawn chiat ziang ti vang a kivang mama hi. Mimal chung ah ahung tun inle hun bang hem ti' sung bep din ahi sek hi. A chang leh Thagau mikhat apat kichawn in midang ah kiang ah tungkit sek gual inle a um sek nalai hi. Jawlnei Joel

in Thagau thiangtho mi zosia numei-pawsal, atek-akhang, khenlo hial ah ahungtung ding a puan lawk hi Pentecost ni a bukim ta ahi(Joel2:28). Zia tak ah pau danglam ati hi 1korinth 14 ah pau hiatlo ati tawh ngaibel lo pha ding ahi. Juda mi gam chuam huam apat hungkhawm te Jerusalem ah acham bang laitak uh Pentecost ni ahia, sawlchakte thugen chu amau chenna gam pau chiat in ala hethei mai uh ahi. Zia chu amakna tak chu ahi. Galilee miten a pianpi pau uh Aramaic mang ah a thugen uh Europe gam apat hungte, Asia leh Mesopotamia apat hungkhawmte hawn le a pianpi pau gual ala hiatziang uh kha mak a sakna mamau chu ahi kha.

3. Thuthunglui ah thutiam ahungtung bukimna ahi.

Thagau thiangtho Pentecost ni hung tun chu kineplo leh ginlawksa lo ah tungphut ziang hilo in, thuthunglui ah thutiam a tun bukimna ahi. Zia hi Peter in chiantak in a taklang hi(Joel2:28-32; Nasep2:17-21) ah agen chian hi. Peter chun Thagau thum

ah um in Thagau thiangtho thuthunglui in ala puanlawksa chu hung guitung ahi takdan a hilchian ahi. Thuthunglui hun ah malzin gual ah hung zintung sek, a sep ding a sepzaw phat leh kilekit maisek dinmun hitalo in, kumtuang ah gingtute kiang ah umden ta dingin a hung tung ta ahi.

4. Thagau thiangtho piak tiam ah umte chu gitlo simte ahiu.

A gitlonateu sim ah baptisma changte chun gitlo ngaid-amna a chang ui(Ns.2:38). A gitlo sim tate haw chu Thagau chang gingtute lak in a simkham tau hi.

Pentecost ni Thagau thiangtho hungtun thu hi zia hunlai ah gingtute leh gingthak gitlo sim panpan te bep a ding chou hilo in, gitlo sim ah Jesu kiang lam hung zuante ding inle ahi pha ahi. Pentecost thaiga masa kut ahi tawh kigual in Thagau lam ah gamasa pen mu ahi. Thagau lam thaiga lakkhawm chu Pentecost ah kipan in tawp zianglo Jerusalem apat samari ah Antiokei, Kupra, Asia chun Rome tiangtiang in ahung kizak zel ta ahi. Thagau thiangtho

chun mite lungthim ah nasem in, khrista chung gingthei din a panpi ah, gingtute a kibelap zel tau hi.

Genkhawm thei:

I. Tulai kochuam te hi i leng un Thagau thiangtho in i dim chiat thei diam uh..?

---o0o---

Zillai - 19

Nungzuite kiang Thagau thiangtho piak thu

Luka 24:49; Nasepte 1:7,8; 2:32,33

Nungzuite chu kawlkil tiang ah Jesu hiatpitu hi ding ah ko ahiu hi. Zia thu hiatpitute hina ding ah chun 'thilhitheina' neilo in sem mualsuak zolo ding ahiziakun, Pentecost ni ah hungtung Thagau thiangtho chun thilhitheina a thuum ta ahi.

1. Nungzuite kiang ah thutiam.

Van ah a kalto man Jesu'n a nungzuite kiangin Pa thutiam a chung ua hungtung ding chu a dawn masia'u in Jerusalem nusialo dingin a vaithak hi. Zia tak ah piak a tiam hi 'chunglam apat thilhitheina thuum' ti ahi(Lk.24:4). Zia tak ah thuum ti hi nik leh puan, sil leh chen ah kithuam tina gual ahi. Nik leh puan, mi-hingten kithuam nan i mat gual in nungzui tenle kawlkil tiang ah Jesu hiatpitute ahina ding un thilhitheina a kithuam uh a kul hi. Zia thilhitheina Thagau thiangtho apat hungtung chu gingtu zosia kiang ah le piak tiam sa gual ahi. Naucha gual ah nungzuite liangvai leh lauthawng tak ah um nungzuite chu ahun thuum hat zaw ta ahi. Lal Jesu nasepna le Thagau thiangtho thilhitheina bulpat ahi

gualma in nungzuite nasepna le Pentecost ni apat in Thagau thiangtho thilhitheina'n bulpat ahi.

2. Pentecost thilmak.

Ngakla mama ah Thagau thiangtho hungtung ding ngaktu nungzuite kiangi mak-tak leh lopitak in ahungtung ta ahi. Umdan pangai leh hindan pangai khel lam ah a khawsak ziak uh chu Thagau thiangtho thil hitheina ziak ahi. Zia chu Thagau a dim tak ziakun ahi(Nas.2:4). Midangten vang zukham in a ngaw ui(Ns.2:13). 'Thagau thiangtho a dim' ti hi Luka chu kua vei lam set a mang ah. Zia chun a pawimaw dan a gen ual nawp ziak hi ngei di ahi.

Chun 'Thagau ah dim' ti apat gelthei chu, Johan Elizabeth, Zekaria, Peter leh Paul te chun mimal tak ah Thagau a dawn lai un Jerusalem khua

miten pawlpi chung nasepna in Thagau chu a dawng uh ahi. Chun Thagau thiangtho ah dim tihi thilhitheina chu dawng nawn kitkit, a vel vel ah chankit tina le ahi tho hi. Etsakna'n Peter chu Thagau khatvei sang ah tamzaw a chang hi(Ns.2:4; 4:8; 4:31). Paul ngeile khatvei sang ah tamzaw achang hi(9:17; 13:9). Thagau thiangtho ah dim theina'n dawn nawn kit sek ahiloleh dimlet zel zel sek a kul hi.

3. Peter in Pentecost ni thiltung a gendan.

Peter in Pentecost ah Thagau thiangtho nasep a gendan hi pathum in khenthehi ahi.

- (i) Hun nunung ah Pathian thilpiak ahi. Peter chun "ni nunung ah chun zia gual hi ding ahi". Pathian in Thagau thiangtho chu hun nunung a ding ah a piak gual in a gen hi.
- (ii) Thagau thilpiak chu thuilna lampang(Prophetic) nungzuite pau danglam ah a pau uh khale Pathian thilbawl lopitak ahidan suklat ahi.
- (iii) Pathumna ah chun Thagau thiangtho chu mi zosia huap ding ahi ti hi Peter tak-

lat dan ahi. Zia Thagau thilpiak ah chun mi zosia, naupang leh teksia numei leh pawsalte, Suak leh suaklo, khendan chuamna umlo ahi(Ns.2:17,18,39).

4. Pentecost ni ah thiltung in hinkhua ah umzia anei zui dan.

Lal Jesu khetden ah aum takmai thu in nungzuite lungthim lua dim zing in lauthawna'n leh thavai kisakna'n a dim zing ua. Khenkhat vang a nasepna a nutsia taksau chu semkit ding a vaikit hial tau ahi. Chun kikhawpna anei uh leh le lauthawng leh zamsia kawm in kawt kikhak khum in hun ala mang sek uh ahi. Maleh Pentecost ni Thagau thiangtho a dawn phat un a hinkhua'u a hung kikhel danglam ta ahi. Zia ahung danglamnau chanchin hi ngainawp umtak ating ahi. Thani vel liamta Jesu kilep mai Peter chun le mipi sangtam tak masang in Jesu chu 'Messiah ahi ei' ti in hangsan tak in a puangdawk hi. Piantil apat kengbai sukdam thu inle Peter leh Johan chu man in Sanhedrin vaihawmtute masang ah thu a tankhum lai unle, lau lo hial in,

zam mel pulo hial in jesu gin chu hukdamna ahi thu agen tha zut zut mai uh ahi.

Zia tawh bang ah han-sanna leh Jesu chanchin puan-jak nawpna dutui ahina ziak uh Thagau thiangtho Pentecost ni achung ua hungtung ziak leh zal liauliau ahi. Thagau thiangtho chu Jesu ding ah hiat-pitute kawlkil tiang ahi theina ding ua hatna petu leh khawvel tawp tiang a kiang ua umpi

jing ding ahina a taklang hi. Pentecost hi kochuam din patni ti ah gen pawl umleu le, Luka taklat dan in kochuam din patni sangin, Thagau thilpiak mangcha nasepna apat hun uh ti thei ahi.

Genkhawm thei:

I. A dawngte hinna ah Thagau thiangtho nasep ahung kilat ding dan te chu hiatdan dan genkhawm hileh.

---o0o---

Zillai - 20

**Pentecost nung ah Thagau thiangtho nasep
Nasep 4:8-12; 6:7.**

Pentecost zaw ah Thagau thiangtho nasepna kochuam leh gingtu mimal ah a latdan hi ding ahia, phatchuam ngaitak ah zilkhawm a kul hi.

1. Gingtute kibelap zel kochuam zia mumal deudeu.

Thagau thiangtho ahung tun zet phat in lauthawn-na um talo in Judate hiatkhak ding lau ah pindan chungnung ah aguk ah kikhawp khawm tite umtalo in, hangsanna leh dutuina kithua in, gingtute hui-khawm ah um in a suhing thak ta, gingthak in nisin ah belap ahi tau hi. Gingtu umsa leh gingthakte chu nungzuite chu ziltil zel in kochuam mizia ahun nei deudeu tau hi. Chun Biak-inn chuam nei nailo maleu, Solomon temple hulliap leh mun lemchange ah kikhawm in vaithumte phel in (sacrament) a pauchap sek ui. Chutia gingtu a kibelap zel ziakun sep ding le hung kibelap zel in nungzuite chu pauchapna leh thuhilna ah thiangtho ah thiangtho ah a kimatchak theina ding un, nek leh dawn lam ah vaipaw ding telna ahun nei tau hi. Thagau

thiangtho ah dim leh mi minpha upa sagi ahun teldawk tau hi. Chun gingtute chun vai ahawm phat uh leh a paukam uh chu “Thagau thiangtho leh kei mau in” ti in vaihawmnate a chiapi sek uh ahi. Zia gual pan haw-itak cha alak ziakun, Pathian thu chu a kithang lian zel ah, gingtute a pun belap zel ua, Juda thiampu tamtak inle gin-na thu ahun pawm ta hial ui.

2. Thilhithei leh hansanna ah thuum.

Thagau thiangtho nasep jel dan Pentecost zaw nung ah chung gingtute thilhitheina leh hansanna a thuum thu ahi. Piantil ah kengbai khut-daw hinkhua mangta mikhat chu Peter leh Johan in Nazareth Jesu min in a sudam ui. Chun thilmak sukdamnate le nei in damlo natna chi chuamchua-mte hawle a sudam thei uh ahi. Kochuam chu a kibal pat pan hi-maleh phatak cha a khanlet zel

ziakin Judate thangsiat kham ahung hi tai. Zia gual ah hun a matzel lai un. Lal Jesu'n ala genlawksa gual in haksatna a maitua tau ahi(Mat.10:17-20). Zia bep chu hilo in mat leh sawisak suangkul ah khumte leh a dangdang a thuak ua. Chun upa pasagite lak ah khat Stephen vang chu suang ah selup in a um hi. Zia hun ah chun Thagau thiangtho in a thamuan ah, thuak ngam dingin a su hangsan zel ahi.

3. Ki unauna leh kipumkhatna.

Sawlchakte nasep ah Bible mun dang ah le mu ngailo gingtute ki unauna leh kipumkhatna hi ahi. Thagau thiangtho zal ah gingtute kipumkhatna leh ki unauna, sungkhat gual ah nei leh lam nek leh chak a kikawp ngamnau hi ahi. A lak un a genthei diak, a tasam diak umlo in a thilnei uh chu a kikawp thei uh ahi. In leh lo te le zuak in, zia mante chu nungzui sawlchakte kengbul ah hun kawikhawm in, zia chu kigual diam in mitin kiang ah hawp tuak sek ahi(Nas.4:34,35). Gingtute chu nitin lungthim mun khat ah Pathian biakna phat chuam ngai tak

in a um sek ui. Mi zosia kipak theina'n a um uh ahi. Zia gual ah umthei hi Lal Jesu pauchapnale ahi(Jn.17:11). Pentecost ni Thagau thiangtho chun gingtute kankhawm in, mi zosia a bawl thei dan chiat uh bawl in kituak tak in a khawsa khawm uh ahi. Zia thilpha a bawl uh susia thei ding setan nasep gamman khenkhat imgutu Anania leh Saphir te nupan chu Thagau thiangtho Pathian them ahiziakun Peter in a vau ah tichun thakhat thilthu in athi gelgel ziang tau hi. Zia thiltung apat in gitlo khawsakna lam in gingtute a suhal diak hi(Nas.5:3-11). Kochuam masate thil bawl dan hi, kochuamte khawsak khawmna ah ettawn thei ding pawimaw um tei di ahi.

4. Chanchinpha in gam a keklian zel.

Lalpa Jesu chanchin chu Thagau thiangtho zal ah puangzak zel in Judate lak ziang in gingtu ahung kibelap zel ua. Thagau Thiangtho nasepna chu Judate haw lak in a um zing ah, chun sawlchak Philip Samari khua chanchinpha a avatut ah, Thagau thiangtho vang a chang nai puau hi. Jerusalem

ah sawlchak um te chun Peter leh Johan a sawl ua. Amau chun a luchung ua khut ngat in a pauchap piak ua, Thagau thiangtho chu ahungtung ta ahi(Nas.8:9-17). Zia hi Bible thiamte chun Samari khua pentecost ti in a min a phuak ui. Thagau thiangtho chun chi leh nam ah kikhennate chu a subei ah Judate leh Samarite kikal ah kitenna huaisia tak chule ahi beita ahi. Samari mi musiat leh etsan ah umte chule kochuam sung ah laklut ahi tau hi. Chun Peter in Kaisaria khua thu agen ah, a thugen ngaitha zosia chung in Thagau thiangtho hungtung ah(Nas.11:15-17). Zia hun ah Thagau thiangtho hungtung hi jeltelte chung ah, ahiziakin 'Jeltelte Pentecost' ati kit ui.

Lal Jesu gen gual ngei in Thagau thiangtho ahungtung chun nungzuite chu Jerusalem, samari gam khawtin ah leh kawlkiltiang ah athu hiatpitude ahi tau hi. Chanchinpha puanzak zelna ah Antiokei chu mun pawimaw tak ahi. Zia Antiokei kochuam apat in Barnaba leh Saul chu guat chuam in chanchinpha puangzak ding ah sawldaw ahiu hi. Missionary

masapen ahi tau hi. Thagau thiangtho mapuina zal ah kalsuan ah missionary nasep chu sem ahidan uh sawlchakte nasep ah a kilang mama hi. Thagau thiangtho mapuina zia ah semzel ahidan uh chu! Thagau in Asia gam thugen a phallo dan leh ziazia ah Phirgia leh Galatia lam ah a chia kual zia'u thu leh Bithunia gam ah lut a guat uh leh Jesu Thagau in a phallo thu leh Troas khua kumsuk thute leh Makedonia gam a galkai thute mu ahi(Nas.16:6-8).

Lal Jesu nasep sutzap ding hi kochuamte nasep thupipen ding chu ahi. Zia nasepna ding ah chun kipumkhatna leh kikaihuaina phatak a ngai hi. Zia nasepna a lawtin theina'n Thagau thiangtho a pawimaw hi. Kochuam puitu, Thagau thiangtho ah dim i nei sung chun kochuam in pun lam leh detlam manaw zel hitiu tina gual ahi.

Genkhawm thei:

- I. Thagau thiangtho zai ngakla(hungai kawm ah) nasep a pawimaw zia gen hileh.
- II. Tulai kochuam vaihawmna "Thagau thiangtho leh kei uh phasak dan in" ti ah gen ngam ahi zelin i hiau em?

Zillai - 21

Thagau thiangtho nasep chia zel thu**Nasepte 2:38,39; 8:4-8**

Thagau mite Missionary nasepna ti ah sawlchakte nasep bu hi gen pawl le a um hi. Judai gam apat Samari gam tiang ah Thagau thiangtho nasepna chia tha zel ah Ephesi gam tiang ah chanchinpha'n gam a lak zel dan zil ding ihu.

1. Samari gam ah Thagau thiangtho piak thu.

Samari gam ah chanchinpha lut thu hi nivei ah khen thei ahi. Amasa zawk chu Philip apat ahi, ama hi Grik pau mang kaisari khawmi ahi. Anina chu Peter leh Johan ahiu hi. Samari mite hi Juda hito maleu namdang numeite apat piang ahiziakun, Juda thiang ten chu Jentel te a musit sang ua nasa zawn samarite hi a musit uh ahi. A thei laisia samarite apat um chuam chu a nuam zing mai uh ahi. Samari mite chun la Gerizim tang ah temple asau ah, Juda sangin Abraham suan diktak hi zaw in a ki gel ui. Zia gual dinmun apat in chanchinpha samari gam ah hungtun chu

Pentecost ni ah huipi, mei leh paudang ah a pau uh kha, Thagau thiangtho a chang ngei ui tina ahi gual in

Samari mite chung ah nungzuiten a chung ua khutgat ah a pauchap piak uh hin Thagau thiangtho chu Samarite chung inle atung ngei hi ti chetna ahi. Samarite chule Thagau thiangtho a chan phat un hi hat ah um in chanchinpha puanzakna ah le hihat in a um tau hi.

2. Saul/Paul mimal chung ah Thagau atun thu.

Hebrai leh Aramaik pau ah amin chu 'Saul' ahia, Grik leh Latin pau ah chun 'Paul' ahi. Pharisai ahia Jesu nungzuite sukgentheina ah phatchuam ngaitak ahi. A chung ah Thagau thiangthung tundan leh a pianthak dan chu chiantak in(Nas.9:1-19) ah mu ahi. Jerusalem apat Damaska tiang ah Jesu nungzuite sukgenthei dingin a delzui ah, chutia lampi a chia zel lai in vak maktak in ahun khawpai ah, Aw git ahia, Aw chun "Tho inla khawpi sun-

ga chia in, zia chun la hi ding ala gen in'au" ti'n ahil ah, zil-sak pakhat amin Ananiah chu Pathian in Paul kiang in a sawl ah, ama chun a kiangin "Ka nau Saul, la mitvakna di'n leh Thagau thiangtho ah dim ah la um thei na'n, Lalpa, la hungna lampi kilak Jesu khan ei sawl ka hi" atia. Thakhat phut in Saul mit apat phulip a ketha amit a vak kitta, atho ah, baptisma a changta, anle ahun neta, ahal kitta ahi.

Jentelte suvak ding ah Paul chu Pathian belguat ahia. Thagau thiangtho a chung in ahungtung hi tiah genlat-na um khello maleh a hinkhua pumpi ah Pathian na a sepna ah Thagau thiangtho mapuina tamtak mu di a um hi. Paul in a pianthak thu sangin Pathian kona chu lawtin sak theina ding pan alak ding chu a ngai poimaw zaw ahi. Jesu khrista chung ah a ginumna sudet ah, masawn zel theina ding in si-amthakna vang a pawimaw hi ti vang ahechian hi(Gal.6:15).

3. Korneliate inkuan ah 'Thagau thiangtho a tun thu.

Kornelia sepai ja hotu, Rom mi leh sa ahia, Kaisaria

ah cheng, Pathian ngaisak tak, a sungkuan ua Pathian lau mi ahiu in, mite kiang ah thilpiak taima pauchap zing mi ahiu hi. Pathian vansawlchak a kiang ah kilak in a kiang in a pauchapnate leh a thilpiakte Pathian kiang ah hetzing ding ah a tunto ahil ta. Chun Jopa khua Peter ko sak ding inle ahil hi. A kiang ah kigen gual in Kornelia chun a bawl ta. Peter chu vapui in thu agen sak ua, Peter thugen laitak in Thagau thiangtho hungtung in zia chu zek tanlo(Jentel) te chung ah Pathian Thagau thiangtho butthak ah um chu Peter leh a lawite chule mak asa mamau hi. Pau hetlo tiangle a chungua atun ziakin, "Pathian a pakcha ahiu hi" atiu hi. Peter chun "Thagau thiangtho ei uh chung ah atun gual in amau haw chung inle atungta ahi" atia. Pathian in dawichuam diak anei puai ti kilatna ahi(Nas.10:34,35). Juda leh Jentelte kikal ah kid-aidannate, chun Samari leh Juda kihuatnate chu Thagau thiangtho chu a chip sak ta ahi. Zia gual lawm a Thagau thiangtho Jentelte kiang ah le butthak ah um in atuppen chu

chanchinpha puanzak zel ah **Genkhawm thei:**
 Pathian lalgam keklian di ti I. Paul chanchin apat in Pathi-
 ahi. Thagau thiangtho nasepna an kona leh dawnhuna a paw-
 halthakna kochuam in adawn imaw dan gen hileh.
 te hi, nei den ah thamuanpi ah II. Thagau thiangtho nasepte i
 um mai di hilo in chanchinpha hiat dan uh hei danglam deu
 puanzak zelna di ahi zaw ahi. ngai um in i hiau em?

---o0o---

KHEN NGANA

Khen ngana apat in Thagau thiangtho chu Paul lekhathawt te apat a taklat dan khenkhat, hukdamna leh baptisma thu ah te, Thagau ah dim tite, Thagau thilpiak tite, Thagau ga tite haw i zil thei tiang tiang zilkit ding ihi.

Zillai - 22

Paul in Thagau thiangtho a gendan**Rom1:1-6; Tita3:3-7; 2Kor.3:17**

Paul in a lekhatthawt ah Thagau thiangtho chungchang agen tam mama ah 'pek tin ah genkhakna a um hi' ala ti hial ui. Paul ngaidan khristian hinkhua chu genchianna dingin 'Khrist ah hinna' leh 'Thagau ah hinna' ti hi ding ahi. Kochuam masapente chanchin hi Thagau thiangtho malakna ala hi chiat hi. Tuhin Thagau thiangtho chungchang ah a gen pawimaw diakte vak en hitiu.

1. Thagau thiangtho ngei chun khrista tawh ei zawm hi.

Thagau dan chun khrist ah hinna leh thina dan kipat ei pawt sak ta ahi(Rom.8:2). Khrista Thagau i neilo chun ama a hitheilo ding ihu(8:9). Thagau thilhitheina ziak ah Jesu thina apat thokit ahi chun, eimau ah ahing chun, ei unle zia Thagau ziak ma chun khrista hinna chu kikawppi in taksa thithei chu hun hinsak kit in ah(8:12). Pathian thilte chu Pathian Thagau panpina lo in kuama'n ahe thei puai(2Kor.2:11). Chun Thagau tepte ah um ihu ti ala gen kit hi. Thagau Thiangtho chun khrista a ngei ihu ti in ei tepte(sealed) hi. Tepte ah um ti hin 'hinna thak' Thagau ah hinna ti a kawh hi(Eph.1:13,14; 4:30; 2Kor.1:22). Chun Paul

in a Pathian thugente lawtina chu thugen thiam ahiziak hilo in ama pil ziak le hilo in Thagau ziak zaw lawting ahi(1Kor.2:13) dan mu ahi.

2. Thagau chung ngei chun Lal Jesu ah chun Pathian chu ei puansak thei hi.

Thagau ngei chun thilhitheina ei piak zal in khrista tawh ei zawm mat in Pathian chu 'Abba' Hepa iti thei ui. Thagau thiangtho panglo in bangma bawl thei ahilo dan a sulang hi. Thagau apat hansanna leh tilkhona zal in Jesu chu Lalpa ahi ti leh Pathian chu l pa ngei uh ahidan mu chian ahi.

3. Khristian hinna chu Thagau ah hinna a hizaw taksa ah hinna hilo zaw in.

Paul chun 'kuale taksa dawidan ah hing chu a lungthim ah mihing pianpi lungthim utdan

in a um sek un, Thagau dawidan ah hingte vang Thagau dawidan in ahing zaw sek ui. Taksa thunun ah hingte mabak thina ahia, Thagau dawidan ah hingte chu hinna leh thamuan-ahia(Rom.8:5,6). Paul in taksa leh Thagau hinkhua a buktuana ah hin, mimal dawidan leh utdan ah hinkhua mang nailo ah Pathian lopina ding zawk ah hinkhua matchiat ding ti dawina zia thu hi a gen ahi.

4. Thagau chun ei dawtpiak zing hi.

Paul in Thagau thiangtho chu 'thilhitheina' hattak gual in a gen chang um maleh, mihing gual ah a genna(Eph.4:30) ah chun Thagau thiangtho su lungngai ding in hinkhua manglo din ahil hi(Rom.8:26) ah Thagau chun pauchap din ei panpi hi ti imu kit hi. Thagau thiangtho ngei chun gendaw hiti imu kit hi. Thagau thiangtho ngei chun gendaw theilo khawp hial in ei dawtpiak hi ti ahi nalai hi. Ei ding ah ei pauchap piak leh thum leh mau ah um chu Thagau thiangtho ahi.

Thagau thiangtho suk lungngai thei, pauchap di dan ei hil thei, ei dawtpiak thei leh

ei ding ah thum leh mau ah um ati haw hi Pathian ah mihing pathum- Pa leh Chapa leh Thagau Thiangtho te trinity thugin sukdetna le ahi.

5. Thagau thilthawnpiak te.

Rom.12:6 leh 1 Kor.12:4 te apat in Thagau thilthawnpiakte kochuam(khrista taksa) nasepna matchak dite mu ahi. Zia gual ah thilthawnpiakte chu 'Charisma' hepina thilthawnpiakte ti ah het ahi. Zia te chu Pathian thugen theina thilpiak, nasemtu hina thilpiak, mihil theina thilpiak, tilkhona thilpiak, thilpetu ding ah leh vaihawmtu ding ah thilpiak te haw imu ahi. Zia thilthawnpiak mantam ah i dawnte hi a leng in mikhat in ineikim zawlo inle, nang leh kei ei piakte chu i gelkhawk ding ahi.

Genkhawm thei:

- I. Tu kochuam hun ah Thagau ah hing ite dingte chu bang te hi ahi diam?
- II. Thagau thiangtho in ei uh a ding ah pan alak zing thu gen belap hileh.

---o0o---

Zillai - 23

Thagau Thiangtho leh Hukdamna

Tita 3:3-7; 2Thes.2:13

Thagau thiangtho nasep thupi pen chu mite lungthim Pathian hukdamna hiatsak leh Pathian lam juan ding ah panpi ahi. Paul in hukdamna chungchang ah Thagau thiangtho nasep a gen ual khawp mai hi. Tuhin, Thagau thiangtho leh Hukdamna chungchang Paul in a zilttil dan enkhawm di ihiu.

1. Hukdamna - Jesu khrista ah.

Gitlona pukta hukdam ahi kitna ding uh lampi guan piak chu Pathian lemguat ahi(Eph.1:4; 2Tim.1:9). Zia chu Khrista'n a sepdaw ahi ti Paul in a gen tam khawp mai hi(2Tim.1:10; Tita2:13; 3:6). Pathian in Khrista ah chun khawvel hi ama tawh kilem in a siam hi(2Kor.5:19) ti ahi. Paul in hukdamna hi mihingte sepdaw gual in khawi mun inle agen ngailo ahi. "Hepina ziak ah hukdam la hin, nangmau sepdaw ei puai" tin agen hi(Eph.2:8). "I thil hikhialna ziak ua thi ihi lai uh khan, khrista tawh kigual in ei hinsak ta ahi" ati ahi(Eph.2:5). Hukdamna Pathian apat pawt chu ngainep ah gitlo bawl teitei chu Jesu kherden kitna leh Thagau thi-angtho a petu simmawna ahiz-

iakin ngaidam theilo gitlona ahi(Mtt.12:31,32; 2Thes.4:8; Heb.6:4-6; 10:29).

2. Hukdamna chu mihing mawpuakna ahi.

Hukdamna chu Thagau thiangtho nasepna zal ah ginna ziak i chang thei tau hi. Ama vang zia thu ahin mihing dawitelna leh thupukna leh ginna a pawimaw khawp mai hi. Bible ah mun tamtak ah 'la gin chun' tite, 'Ging mai un' tite leh "A ging chu hukdam in um inau" tite i mu ahi. Hukdamna changtate chun a hukdamnau veng him leh mualsua theina'n lau leh kithing kawm ah sep a ngai hi. Hukdamna changte midang le hukdam ahina ding un mawpuakna ahiau hi(Rom.11:14; 15:16; Phil.1:9).

3. Hukdamna gendan pathum.

(i) **Hukdam hita:** Hukdamna hi

thiltung zota gual ah gen thei ahi. Paul chun gingtuten khrista ah Pathian ngaidamna amau lai hun kha thil in, zia chu hukdam hita ti in a gen hi. Paul ma chun “I gitlona ziak ua thi i hi lai uh khan le khrista tawh kigual in ei suhing ahi(Eph.2:5). Hepina thiangtho leh demna bei ah i um thei ding un leilung pian ma ah khrista ah ei tel ahi kha!(Eph.1:4). Zia hepi chu leilung pian ma in khrista Jesu ah chun ei piak ahi tai(-2Tim.1:9).

(ii) Hukdam zingte: Hukdamna hi tu hun ah hungtung zel gual ah gen thei ahi. “Ka thugen te kha la ginchak mai uh hilo in, la pawmdet uh ahi chun, zia ma chun hukdam zing in la um ui” atia. ‘Nisin in ka thi sek’ le ati ahi(1Kor.15:31; Phil.1:21). “Chun la hukdamnau chu semdawk un” le ati ahi(Phil.12:12,13).

(iii) Hukdam hi di: Hukdamna hi a bukim ah hungtung ding ah genna tamtak Bible ah mu di tamtak a um hi. “Van apat hukdampa hung ding chu ngakla takin i thil ui”(Phil.3:20) atia. Hunnung

ah hukdamna hungtung ding chu hukdam hitate leh hukdam zingte bukimna ding chu ahi(1Kor.1:18; 2Kor.2:15).

4. Hukdamna chu Thagau thiangtho nasep ahi.

Hukdamna Pathian nasep lopi mihingte a khawtuana ahi. Zia hukdamna chu dawngthei ding ah mihingte kiang ah naseptu chu Thagau thiangtho ahi. Chun zia hukdamna chu mihingte’n adawn theina ding un a panpi nalai hi. I thugin uh chun; Thagau thiangtho, Pa leh Chapa apat hung pawt chun, mihingte chu hukdamna a chansak hi, a gitlo zia teu leh a chung gik zia teu a hiatsak ah,.....Jesu khrista hukdampa ah pawm din a ngek ah, pawm thei ding inle a panpi hi(Thugin VI). Mihingte hukdamna hi Thagau thiangtho panlakna zal leh gasua chu ahi pen mai hi.

Genkhawm thei:

- I. Mihingte hukdamna chungchah ah Thagau thiangtho pan lakna bang tiang ahem?
- II. Hukdamna ah Pathian nasep leh mihingte mawpuakna genkhawm hileh.

Zillai - 24

Thagau hinna ah kidona

Rom.7:14-25; Gal.5:16)

Gingtute hinkhua hi kidona hinkhua ahi. Ginna ah pianthakzaw apat in zia chu kipan ngal ahi. Thagau ah kipakna leh limna in-eite haw le kidona matchak ding ah Pathian in ei piak ti thei ahi. Pawlam ah Thagau galdona beplo taksa utna lam ala awnsa taksa mizia leh ginna lam ah khanlet zel ut Thagau mizia chu letzawk nuam in a kido zing uh ahi. Zia kidona thu chu sawlchak Paul in ei hildan in zil di ihu hi.

1. Mizia chinite.

Paul in mizia chini agen ah zia chu 'Mihing lui' leh 'mihing thak' ati ahi. "Malai umdan lampi 'Mihinglui' thepna, utna gual ah phalo taktak te kha liptha'u inla, la lungthim Thagau ah chun a thak in um in mihingthak, thutak felna leh thiangthona Pathian gual ah siam khan kivan un" ati ahi. Mihingthak chu mihinglui siamthak mai hilo in, mihinglui suk danglam, Thagau ah siamthak atina ahi(Rom7:14; Eph.4:22-24). Gingtute chu gitlo leh thina apat pawtdawk himaleh a tak ah haksatna maitua ding tamtak a um hi. Martin Luther in "mithiangtho ihu ah mi buak le ihu hi" ati hi a dik khawp mai hi. Paul inle Thagau lam hinna kidona um hi a hetsa ahi. Khrista anei ma inle a Thagau

hinna kinakna hi anei sa(-Sawl.21:3; Gal.1:14; Phil.3:6) gingu ahi phat in a nasa diak hi(1Kor.9:26,27).

2. Sunglam kidona.

Gingtute Thagau lam hinna kidona hi Paul in taksa leh Thagau kidona gual in a gen hi, "Taksa chun Thagau dona lam a ut sek hi, Thagau inle taksa lam dona a ut sek hi. La thil bawl nawpte la bawl theilo na dingin zia te chu a kidaltua sek ui" Gal.5:17. A daw gual bawl lo ah a daw lo gual a bawl sek zawk hi ama ngei inle hiatthiam haksasa ahi(Rom.7:15-23). Zia thil haksasa apat in kua ahem ei hukdawk thei di? ati vungvung ziang hi(Rom.7:24). Zia thu hi Lal Jesu'n Lal pani nasep, Pathian leh sum nasep kawp di ahi puai ati gual tho kha ahi. Mih-

ing lui suak ah um taklona thu le a gen hi(Rom.6:6). Chun taksa(mihinglui) chu Jesu Khrista ah umte chun thilphalo ngaituanate leh a nawpna pum in a khenden tau hi(Gal.5:24) atia. Paul in ei hildan in gitlona chun i chung ah thunei ding ahi puai, mun le awtlo di ahi ati ahi.

3. Galthuam bukim.

Lal Jesu khawvel ah ahung kit masia'n gingtute chun kidona maitua zing ding ihu hi. A ziak chu gitlona leh thilpha umkhawmna khawvel ahiziak ahi. Thempa thu awi thei din mihing in zalenna a nei hi, maleh thempa thu awilo din Thagau thiangtho in a panpi sek hi. Paul chun "Taksa leh thisan ah melmate tawh kibuan ihi puau hi, Diabol tawh kidona la zaw thei na ding un Pathian galvan bukim in kivan un" ti in ei vaithak hi(Eph.6:11,12). Taksa um himale'u hin taksa kido gual ah kidolo in Thagau lam thil in kido i hi zaw'u hi. Bang tik hun ah le gitlona leh a thilhitheinate i zaw zing theina dingin Pathian galthuam bukim a kithuam a pawimaw hi.

Paul in galthuam bukim ah a gente chu pasagi ahi. Zi-

ate lak ah palite chu- Thutak kawnggak, diktatna awmphaw chun kithuam di, chamna chanchinpha chu keng ah but ah chun ginna phaw lak ding zia chun migilo thalkuang thei sumit thei di(Eph.6:16) atia. Zia amasa palite hi ei do tu apat kivenna di ahi. Chun a dang pathumte hukdamna lukhuk, Thagau chemjam(Pathian thu) leh pauchapnate hi melma dothukna matchak di ahi. Zia galthuam ki gente ahin kithuam zing ding ahi. Zia kidona hi gingtu hinna Thagau thiangtho leh gitlo nasep kidona ahi ziakin zawna chang ding in Lalpa lam ah awn zing a ngai hi. "Keima ah um zing un, keima lo in bang ma la bawl thei puau hi"(Johan15:4,5) ah Lal Jesu'n ala tita ahi. gitlona bang gual hi ziang leh le Lalpa'n ei zaw piak tai ti hezing in, kross thilhitheina chu suang in, Pathian galthuam bukim ah kithuam in, Thagau thiangtho mapui gual zel ah um akul hi.

Genkhawm thei:

l. I gam ah setan nasep langsal deudeu ah i hiat chun bang gual ah panlak di?

Zillai - 25
Thagau thilpiak-1 na
1Kor.12:1-11; 14:1

Pathian in gingtute hi thilpiak(talent) chuam chuam ei pia. Zia thilpiakte chu kochuam in a phatchuampi leh Pathian gam a khanlet zelna ding ahi. Tuni hin Thagau thilpiak chuamchuamte hi zil in bang ziak ah piak ahi em ti zil ding ihu.

1. Thagau thilpiak umzia.

Thuthungthak ah Thagau thilpiak gen na'n Grik paukam 'Charisma' ti mat ahi. Zia Charisma hi mipha chungnung a um chan a phat bek ziak mite lungkuai ah mihip theina neite genna mat ahi. Zia gual mi Bible ah imu chu Apolo ahi(Nas.18:24-28). Bible gendan chun 'Charisma' chun hepina ziak Thagau thilpiak ti a kawk hi. Thagau thilpiakte hi a petu chu Thagau thiangtho ahia, bang thil ahem piak ding, kua kiang ah piak ding ahem ti ah telchuam di chule Thagau thiangtho ahia, a dawidandan in thilpiakte a hawmdawkssek in, tetuak chiat chiat in a pelo ahi. Thagau thilthawnpiak i dawnteu chung ah mawpuakna inei ui. I dawnlote chung ah chun maw i paw phalo ahi. Midang in Pathian apat a thildawn uh chu thangsiat lo di ahi. Thilpiak i dawnte hi Pathian in

ei ding ah a phapen ah aguatah ahia, a lopina ding ah i mat ding uh ahi.

2. Thagau thilpiak leh pianpi talent.

Thuthungthak ah Thagau thilpiak kizikna mun thum ah hin thilpiak chi chuamchua a gente hi sawmni vel ahi(Rom.12:6-8; 1Kor.12:8-10; 1Pet.4:10,11). Zia music/gihawi ah thiamna leh khutthiamnate le a um hi. Mihing pilna leh hitheinate hi siamtu Pathian apat hung kipan chiat ahiu. Zia chu Thagau thiangtho thilhitheina ziak ah sudanglam in Thagau thilpiak gual in Pathian in amangcha sek hi. Chun Jakob lekhathawt apat in "Thilpiak pha leh thilpiak buting ta phawt hi chunglam ah kipat ahi"(1:17) atia.

3. Thagau thilpiak piakna ziak leh atup.

Thagau thilpiak in a tup chu 'mithiangthote sukpitin

ahina ding ah nasem din leh khrista taksa khanlet sak ding-gin'(Eph.4:12). Zia thilpiak chu eima mimal hamphatna ding mai ah manglo in, kipanpitua-na matzaw di ahi(Phil.2:3,4). Khrista taksa(kochuam) kipumkhatna ding ah mat(Eph.4:4). Zia umzia chu Thagau thilpiak chu kikhenzakna, kochuam pawl chuamchuam phudaw-na matlo di tina ahi. 'Taksa pakhat' 'Thagau pakhat' 'Lal-pa pakhat' tite hi Thagau thi-angtho thilthawnpiak chu bang hi ziangleh le kikhenzakna ding himhim ah matlo di, kipumkhatna ding ah matzaw di atina ahi.

4. Thagau thilpiak chi chua-mchuamte:

(i) **Pilna:** Ama Pathian tawh kizawp matna ziak ah nei-thei, Pathian dawigual chu ahi. Zia chu bang hem gen di? Bang ti gual ah gen di? Bang hun ah gen di? ti hethei ding ah pilna chu ahi.

(ii) **Hiatna:** Kross mangcha Pathian hukdamna thu hiatna tina ahi. Chun Pathian thugil hilchian thiamna leh suidaw thiamna ahi. Zia hi kochuam vaktute thilpiak dawn ahi

diak hi.

(iii) **Ginna:** Abul tilim ah ginna, hukdam hitheina ding ah ginna hilo in hukdamna chang-tute hawn Pathian a gingzel-na lam a kaww hi. Ginumna lam ah kawwzaw ahi. Ginna hi Pathian ei piak thilpha leh dawium chu ahi. Thagau lam thugil hiatdaw theina leh thil-hithei tak ginna ahia, ginna vantang hilo ahi.

(iv) **Thugentheina:** Thugentheina hi Thagau thilpiak lopitak chu ahi. Jawlnei thupuan, ahung tungding thil puanlawk masak lam sangin, ahun laitak ah mite pawimaw hiatsak leh hil chu thu gentheina changte nasep lopipen chu ahi. Ngaithatute lungthim kihawnsak thei khawp hial ah Thagau thilhitheina nei chu ahi. Pentecost ni apat in nungzuiten zia chu anei uh ahi. A ngaithatute Thagau lam pawimaw pethei ding ah Pathian in a gen ding a piakte tina ahi.

(v) **Thagau hiatkentheina:** Zia Thagau dik leh Thagau diklo hetkentheina thilpiak hi kipak umtak ahi. Pathian apat pawt ahiloleh setan apat ahi

em ti hiattheina chu gingtute kiang piak ahi. Zia tak ah 'Thagau' ati hi Thagau nasep chi chuam chuamte atina ahia, dik leh diklote hekhen thei, titakzet leh titak zetlote leh thutak leh thulem apat kochuamte humbit theina chu ahi.

(vi) Pau chuam ah thugen theina:

Zia hi 'Pau hiatlo' iti sek uh hi ahi. Bible ledawthak khenkhat ah chun, 'Pau hiatlo chi chuam chuam neite' ti le ahi. Thagau thilpiakte lak ah mi tamtak in a dawn nawp uh le ahi. Himaleh zia chu umzia bei leh mumallo ah mat ahi chun kochuamte buaina tunsaktu ahikhak ding Paula a

lauthawng ah, pau hiatlo mat didan le a gen gen sek hi.

I taklatsa gual in zia thilpiak Thagau thiangtho apat pha mama kochuam miten a dawn uh hi, kochuam phatchuampi thei ding leh masawna ding ah piak ahi. Thilpiakte chu a petu pakhat ahi gual a dawngtute le ngaidan kituak in kochuam kithugual leh kipumkhatna'n mang leu ti hi sawlchak Paul thildawi chu ahi.

Genkhawm thei:

I. Bible ah genlatlo Thagau thilpiak a um diam?

---o0o---

Zillai - 26
Thagau thilpiak-2na
1Kor.12:27-31; 12:7

Thagau thilpiak chi chuamchuamte i zilzaw un, tuhin Thagau thilpiak pathum- sukdam theina, thilmak hitheina leh pau hiatlo chungchang zil ding ihi.

1. Thagau thilpiak sukdam theina.

Bible in hidam theina thilpiak leh ginna zia ah damna hi a chuam deu in agen hi. Khenkhat in damlo ginna agen ual ui “La ginchak leh dampi inla” tin agen ua. Khenkhat in Lal Jesu’n kross mangcha ei tatna chun taksa damlo damna dingle huapzo in a gel ua. Gingtu ahung damlo in ginna zia ah damna chu a chanvo ama a dinga khek piak thei gual in agel ui. Zia gual ngaidan hi Thagau thilpiak hi dam theina tawh kibanglo ahi ti hiat apha ahi. Zia gual ngaidan pawmtute chun natna apat damna Lal Jesu tatna nasep ah pang, kros ah a thina kha gitlo ngaidam beplo damna ding inle ahi atiu. Zia gual damna hi sukdamtheina thilpiak zia ah um hilo ginna zia ahizaw ahi.

Sukdam theina hi chunglam apat hung suk ti in Jakob

in agen(Jak.3:17-18) sukdamna hi Pathian apat in ginna in a um thei a, Pathian apat tho in Doctor leh damdawi mangin hidamna a um thei tho hi (1Tim.5:23). Chun damlona neu chacha sukdam vek ding chu Pathian dawidan leh lemte lam ahilo maithei hi, Paul chung inle a dik hi(2Kor.12:7-10) et in.

Taksa natna tamzaw hi chu, tulai Doctor thiam leh damdawi ah changkan nung ahin sukdam theina ahe mama’u hi ti ginchak ding ahi. Amavang Doctorte thiamna’n a zaw taklo, damzo ding ah a ginchak taklo uh Pathian hidamna chang a um ngei ui ti hi a dik ahi.

Mithiam khenkhat ngaidan leh ginchakna ah chun pauchapna dawng tamte leh pauchap tamte taksa lak in taksa su hiseltu chu a kisiam hat khawp mai in a gen ua. Amau chun pauchap ngailo leh pauchap piakna dawng

ngailote nat thawk sang ah damzaw'n a thwak thei ui, ti ahi. Natna gen hak damdaw-na ding hilo, Doctor te thiam-na'n le a zaw taklo ding ah gel hita, thi tei tei dinga mi zosia'n a ngaih uh pauchapna damdawk a um hi ti hi ginlel lo di ahi. Chun damlona zosia hi setan ziak leh zal ah tung chiat ah lunggel nei ah damna ding ah Doctor leh damdawi mangcha nuam keilo pauchapna ah kipum ngat ziang le a um ui. Doctor Simpson Penicilin siamdawktu mi minthang chun "Keiman meimate ka tuam ah damdawite ka pia, a sudamtu vang Pathian ahi zaw'i" ala ti ahi. Sukdamtheina petu leh sudamtu chu Pathian bep ahi ti hi hiatmil lo apha ahi.

2. Thilmak hitheina.

Thilmak ti hi Grik pau ah 'Dunamis' ahia, khawvel ah thil umdan pangai hithei khel lam ah maksat di khawp ah thiltung chu ahi. Thuthunglui ah chun 'thilmak' 'thilbawl lopi' tite ahi. Thuthungthak ah chun 'thilmak' beplo 'teptena' atia(Johan4:48; Nas.5:12; 15:12).

Pathian ama nasemtute dikna taklatna dingin thilmak

te chu amang sek hi. Etsak-na'n Karmel tang ah Eliza leh Baal thiampute maicham meikuang van apat kotha zo dinga kidemna anei ua, zia chun Baal thiampu 450 te sangin Elijah chu a lawting zaw ta, Pathian thilmak bawl zal in Jawlnei Elijah chu lawting zaw ahi tai(1Lengte18:20-40). Sawlchak Paul inle Sawlchak ahina tepte theinate chu, teptena, sekdonate, thilmakte thilhitheinate alak un a bawl ziak dan in agen hi(2Kor.12:11).

Gingtu masate chu Pathian matchak ahidan uh taklatna dingin thilmak hitheina'n Pathian in ala tuam sek hi. Tulai inle thilmak hi atung zing tho hi ti ah ngaitua ding ahi. Thilmak zosia lak ah thilmak pen chu Jesu thina leh thawkitna ziak ah hinna thak inei uhi ahi.

3. Pau hiatlo.

Pau hiatlo hi Thagau thilpiak chu ahia, gingtu minimal leh Pathian kihona ahi. Zia chungchang ah hiat di pawimawte:

(i) Pentecost ni Thagau Thagau thiangtho in a pausak gual zel ah pau chu ahia, pauch-uam ah pau hilo, chun hilchian

- ngai pau hiatlo hi a um ngei ahi.
- (ii) Pau hiatlo hi Thagau ga ahi pua, Pathian in a dawí gual zel ah gingtute kiang a haw-pdaw sek ahi. Thilpiak ahi zia-kin gingtu zosia'n anei ding uh genna Bible alang pua, piak ah umte bep in anei thei ui.
- (iii) Pau hiatlo hi mimal in Pathian a hona ahi pen ah, midang siamphatna a tunsak zo deulo ahi(1Kor.14:2-4). Zia-ziakchun Paul in Kochuamte kikhawpna chun pau hiatlo ah thu singkhat gen sangin..... thumal panga bep gen ka dawí zawi(1Kor.14:19).
- (iv) Thugen chu thatnawp di ahi, pau hiatlo ah thugente khaplo di ati ahi(1Kor.12:39).
- (v) Pau hiatlo hi matkhial bailam mama ahia, alau um thei hial kit hi. Thagau lam ah chapona le tun thei, kochuam ah kikhenzakna atun thei hi.
- (vi) Kochuamte kikhawpna pau hiatlo ah thugen zutzut chu, ngawlna chikhat gual in Paul in agen hi(1Kor.14:23). Zia-ziakin pau hiatlo ah thugen chun a hilchian theina'n pauchap di ahi(1Kor.14:13).
- (viii) Pau hiatlo hi a changtu in a umzia ahe ngal mai ziang lo ahia, hilchian ahilo leh midangte din umzia umlo deu ahi. Ziaziakchun pau hiatlo neitu chun a hilchianna a dawng in a dawnglo thei ah, a dawnglo ahi chun midang in Pathian apat a dawng zaw le ahi thei hi.
- Thagau thilpiak chuam chuam i taklat Pathian in a kochuamte ei piakte haw hi, chingthei tak ah mat di ahi. Thagau ah kipumkhatnate, I leng ua i phatsap theina'n, Pathian gam kekletna'n matchak ahitheina'n pauchap zel angai hi.

Genkhawm thei:

- I. Thagau thilpiak pawimaw Bible ah le mulo a um diam ngai-tua khawm hileh.

---o0o---

Khen Gukna

Thuthungthak lekhabu dangdang ah Thagau Thiangtho a taklat dan zillai 27 leh 28 in zil khawm hitiu

Zillai - 27

Thagau thiangtho- Hebrai, Peter lekthawt leh Johan lekhabu te apat a kilatdan **Heb.9:14; 1Johan 4:1-6.**

Thuthungthak bute chanchinpha palite, Nasepte leh Paul lekthawt apat Thagau thiangtho mizia tamtak i zil tau ah, tuhin thuthungthak bu dangte a diakin Hebrai, Peter leh Johan lekthawt apat in Thagau thiangtho mizia a chawmkim thei pen in zil kit hitiu. Hebrai leh Peter lekthawt apat in Khrista kros chung a thina hi Thagau thiangtho tawh kizawp matna um in a taklang ui.

1. Thagau thiangtho malakna.

Kumtuang Thagau thiangtho malakna zia kin khris chu melhemlo kithawina Pathian kiang ah lat in a um hi (Heb.9:14). Chun Messiah thawk gentheina ding Jawlnei puanlawkte hi Thagau thiangtho nasep ahi ti leh lopina hung um ding tiang in a genlawk hi (1Pet.1:11).

2. Kochuamte thugin dik kawmu.

Johan lekthawt in Thagau thiangtho chu thugin dik ah kochuamte pulut leh zia thugin dik ah chun ding

det saktu ahina mukit ahi (-1John4:1-6). Hiti hun vel ahin ziltina diklo 'Gnostis' ati pawl uh a um ah, a thuzil til uh chu khawvel ah um zosia hi kidak um leh buak ngawn ahi. Zia gual khawp ah kidak um leh buakna ah dim khawvel ah Pathian thiangtho leh pha bukim chu hung kitatnat puan ah, Jesu ngeile mihing tak hung chang puan ah ti ahi. Pathian thianthona leh phat bukimna ka he gil in ka mu thuk diak hi, ti leh mihing gitlona leh kidak um dan hechian diak ah ki ngaite apat zia ziltina hi hung kipan

ahi. Pathian thiango leh pha bukim mihingte gelphak leh bat phaklo ding chu Jesu khrist ah mihing hung kisuak ah mihingte gitlona ah hung kibual lut ti hi, Pathian gensiatna leh simmawna gual ahi ti in a ziltil ui. Gnostic ziltilna diklo in a chiapi pen chu Pathian chu mihing ahung kisuak thei puai ti ahi. Zia gual ziltilna diklo dona ding ah Johan in a lekthathawt hi ala zik ahi. Lal Jesu chu mihing tak ahung channa hi pawm thiamlo chu Thagau diklo ahi mai hi, ti in a ziltil hi. Gnostic ziltilna chu khrista dodalna Thagau leh Jawlnei lêm(Jawlnei diklo) ahiu ati mai hi. Grikte pilna(Philosophy) apat zia gual ziltilna hung pawt ahi. Hepina tawpkhawz zik ah thiango leh pha bukim Pathian chu mihingte kidak umna leh ten umna ah hung kibuallut ahina hi Johan in thupi ah anei ahi.

3. Thupuan bu ah Thagau thiango latdan.

Tuhin, hepi Johan in a lekhabu zik thupuan apat in Thagau thiango genkhak ahinate vak zil belap kit hitiu.

(i) Pathian Lalchutpha masang ah um Thagau pasagi ti thu

ala gen hi(Thup.1:4). Zia Thagau pasagi leh Lal Jesu zal in kochuamte dawisakna thu a puang masa ti chun a gen di leh a zik ding chu a ziak pan bep hi ti mu ahi.

(ii) Thagau leh Mo chun 'Hung in' atiu ah(Thup.22:17). Zia tak ah Vaiphei Bible in 'Mo' ati hi kochuam atina ahia, Mopa chu Jesu khrista ahidan thupuan in a chiapi dan ahi. Belamno jinei di thu genkhakna le mu ahi. Thagau leh Mo in 'Hung in' atiu hi, ngaidan khat ah chun Lal Jesu awgi mite a chialna kochuam inle zia chu a chialpina ahi, ti ah gen pawl le a um hi. Chun Thagau chu kochuam tin chialtu ahi ding uh hiltu ahidan le mu ahi(2:7,11,17,29; 3:6,13,22).

Genkhawm thei:

I. Thugin dik leh diklo hiat khen theina dingin Presbyterian Dan bu(constitution) hi ahun tawkem?

---o0o---

Zillai - 28

Thagau thiangtho ga**Gal.5:22-26; 5:16.**

Galatia 5:22-26: Thagau ga ahileh chu, hepina, kipakna, chamna, dawtheina, nunnemna, phatna, ginumna, thunuaigawlina leh kisumtheinate ahi. Zia te tawh kikal hi Dan a um puai. Chun Jesu khrist ah umte chun taksa chu a thilphalo ngaituanate tawh a nawpnate pum in a khenden tau hi. Thagau ah hing i hui chun Thagau maman kalsuan hitiu. Kiphatsak leh kichotua in, kuama ki-engtua in um puai tiu.

Chutichun, Zia hi kati ahi, Thagau ah kalsuan un, tichun taksa nawpna lam chu zuilo mai in lau.

1. Thagau ga umzia.

Thagau thiangtho nasep zal ah, gingtute hinna hung kilangdawk sek chu Thagau ga ahi. Pianpi phatna mai hilo in, Thagau thiangtho in hindan pha ahun suklat sek chu genna ahi. Thagau ga pakua kigente hi theiga tawh tekhin in baw k thum in gasak in, baw khat ah aga pathum zel gual in khen thei ahi. Zia chun i hitdan a nawp zawkna dingin, aga baw k masapen chun Pathian tawh kizawpmatna lam a kaw k ah, a baw k ga panina chun mihingte tawh kizawpmatna lam a kaw k kit ah, aga baw k pathumna chun mimal hinkhua hung kilang dawk ding lampang a kaw k kit hi.

2. Pathian tawh kizawpmat-**na lampang kaw k Thagau gate:**

(i) **Hepina:** Zia hepina hi hepina sangpen(Agape) genna ahi. Zia hepina(agape) chun i chung ah phalo pente le phuba la lo ah, thilpha pen dawisakna, hepina ahi. Hepina apat bawl ahi-lo chun, mihing apat pawt thilpha zosia hile bangma lo mai ahidan Paul in agen hial hi, hepina chu dan zawp bukimna ahi(1Kor.13:1-13; Rom.13:8).

(ii) **Kipakna:** Zia kipakna hi sakhua lampang leh Pathian ah kingat genna ah kimang diak ahi. Khawvel lopina leh hawina zia leh lawtinna leh vangphat zia ah kipakna ei puai. Thagau ga kipakna dik-

tak chu Pathian ah kingatna ahi. Pathian hepina in a sun dim thinlung chu lungngaina ten tuam maleh lim in a kipak sek hi(2Kor.6:10). Kipakna hi Thagau lam ah lungawina leh kipakna gasua ahi.

(iii) Chamna: Chamna ti ah i Bible in ale daw hi (Peace) ahia, a umzia chu thuneitu phatak nuai ah thamuang tak leh kipak tak ah um tina lam ahi. Grik pau ah 'eirene' chun Hebrai pau ah 'shalom' ti ahi. Taksa leh Thagau ah damna a huap hi. 'Kilemna' ti ah le matsek ahi. Zia Thagau ga hi bang tik lai inle khawvel in a pawimaw zing chu ahi.

3. Thagau ga a bawkni na chu mihing lam tawh kizawpna lam kawkte chu a nuai ah gual hi ahi.

(i) Dawtheina: Dawtheina ti hi mihing chanpите chung ah mat bik deu ahi. Mi lungniang, mi zaidam, mi lungna hak genna ahi. Mite chung ah lungnat sang in eima ngei in thuk mai zawk di utna lungthim genna ahi(Eph.4:1-3; Kol.3:13) ah a zia muthei ahi.

(ii) Nunnemna: Nunnemna ti hi aban ah phatna hitawh a ki-

nai khawp mai hi. Zia thumal hung pawtna chu 'krestotes' hi a matna zil in paukam um-zia chuam nei ah ledaw thei ahi. Nek ding lampang genna ah chun 'tui' ahem 'thum' ahem tina ahi. Chawldam um lampang genna mat ahi chun nuam/haksa lo genna ahi kit hi mite chung ah mat ahi phat leh miho nuam leh zaidam lam a kawk hi.

(iii) Phatna: Phatna genna ding ah Paul in thumal amat chu (agatha sune) zia hi Bible thumal ahi diak hi. Khawvel thil genna Grik ten amang ngai puau hi. Ahung kilatdaw dan inle 'hoi' ti le a buap hi.

Ngilneina chun mi a panpi thei bep ah, phatna in vang hilnate, sukdiknate leh thununnate a huap hi. Zia zosia hi phat nawp ziak ah sep ahi.

4. Mimal hinna lam kawK Thagau ga.

(i) Ginumna: Zia hi Grik miten gintak, kingak ngamna ting mi muan um tina ala mang zing sek ui. Thagau gate hi gasua-pi ngamte chu midangte ding inle kingak ngamna ahi sek ui. Zia mai chu hilo in, Pathian a ding ah mi ginum, thi tiang

ah thuak ngam khawp ah ginum tite a huap hi. “Thi tiang ah ginum in um un” ti ahi(Th-up.2:10).

(ii) **Thunuaigawlina:** Bible in thunuaigawl ati Grik ten(prutes) hi kampau khat bep ah ledaw theilo khawp hial umzia giltak nei ahi. Thil pathum chun khawm anei ah ziate chu-

(a) Pathian kiang ah kituklut-na(Mtt.5:5; 11:29; 21:5)

(b) Ziltil thei, zil ding ah kingaitawm(Jak.1:21)

(c) Midangte dinmun ngaitua piak thiam leh hiatthiam piak(1Kor.4:21; 2Kor.10:1; Eph.4:2).

Zia pathumte kikawp chiat ahiu in lakkhen thei ahi puau hi. Thunuaigawl, kingaitawm ti hi, Grik te chun gan-cha sawi zawi tasate genna ah amat sek uh ahi. Gancha sawinem ah umta chu a puten a dawidan dan un amangcha thei uh ahi. Zia gual ma chun Thagau ga ‘thunuaigawlina’ nei ta te chu aneitu khrista chun a nawp dan dan ah amat thei di tina ahi. mithunuai ah i thu gawl hitin, eima thu thu hilo in, khrista thuthu in i um ding uh ahi tina

ahi.

(iii) **Kisumtheina:** Zia hi eima dawidan leh utnate apat kisumtheina Grik pau ah ‘en-grateia’ ahi. 1Kor.9:25 ah chun kigualsiakna pangte bangkim ah a kisum dan uh genna kimang ahi. Chun 1Kor.7:9 ah chun numei leh pawsal kipawlina chungchang genna ah mat ahi kit hi. Eima utna lam hilo ah Pathian dawid gual hizaw ding ah kipiakdawna hinkhua ahi. Gingu chu gitlo ngaituana pum in kross ah khetden in a um ah, hinthak leh thiangtho ah hing dingin khrista tawh kigual in kaithaw in a um ah, a nungchang ah ga dawid um tak a sua theina ding ah Thagau thiangtho in a umpi sek ahi.

Paul in Thagau ga chungchang a gente i hetau ah. Tulai kochuam in Thagau thilpiak leh nasep i dutuipi ten lai un, mimal leh pawlpi hindan ah tasam mama in alang hi. Zia Thagau ga te hi i hindan ah i latsak theina dingin Thagau ah i um uh ngai ahi.

Genkhawm thei:

I. Paul in agen ban Thagau ga gen belap ding a um diam?

Khen Sagina

Tuhin Kochuam Thugin te apat Thagau Thiangtho zil hitiu.

Zillai - 29

Thagau thiangtho: Sawlchakte leh Nicea thugin ah
Heb.3:12-15; 10:23.

Sawlchakte Thugin

*Bangkim hithei pa Pathian,
 Lei leh van siamtu chu ka ging,
 A chapa changkhat Jesu Khrista,
 I Lalpa'u ka ging ah,
 Ama chu tha thiangtho in a vawp sak
 A nungak lai in a hing ah,
 Pontius Pilat in nasatak in a thawk sak ah
 Khetden in a um ah,
 A thi ta, vui in a um ah
 Mithi khua ava chia ah
 Nithum nin mithi lak apat ahung tho kit ah,
 Van ah a kalto kit ah,
 Bangkim hithei Pa Pathian changlam in ahang chu ta,
 Zia kipat chun hung kit ding ahi,
 Mihing leh mithi vaihawm piak dingin,
 Chun Thagau thiangtho ka ging ah
 Mi zosia dingin kochuam thiangtho um ka ging ah,
 Mi thiangthote kipawlkhawm ka ging ah,
 Taksa thawkitna ka ging ah,
 Kumtuang hinna tawh --Amen*

Biakinn ah kikhawp gual ma in mulo in gen thei
 nanle mat mun deu pen chu ui. Baptisma a chan phat uh
 thugin dang sangin sawlchakte leh 'Khrista chu Lalpa ahi' ati
 the thugin hi ahi. Khristian tam- masa phawt sek ui. Zia hu apat
 tak te chun Lalpa pauchapna chun zia thugin hi hung kipan in

kochuam ten Pathian biakna'n mat sek ahi.

Sawlchakte thugin hi kum zabi khatna ah guang-gal hita maleh, tu imat gual ua guanggalna hi mu masakna pen chu AD390-Milan kua Synod in Pope Siricius kiang ah a lekhathawt apat ahi. Ambrose chunsawlchakte kituak khawm in thugin hi a phuak khawm hi ngei in a ging hi. Khawvel gam tin ah Pathian thugen ah a kithezak ma un, kimukhawm in a tangkopi ding uh chanchinpha chu gindan ah kituaklo ah a um theina'n zia thugin hi a siam uh hi dingin ginchak ahi.

Chun kum zabi kua-na(9) Rom lalpen Charles lopi in a kua leh tui mipi zosia chu zia thugin hi etlo ah genthei chiat dingin thu ala pe hial ahi. Chun Piting Baptisma chang ding te chu le zia thugin hi gen suak sak ngei ahi sek ui. Chun piting dan zokim ah um dingte le zia thugin hi gensak phawt in piting ah Dan jokim ah laklut ala hisek ui.

1. Thagau thiangtho sawlchakte thugin ah suklat ahidan:

'Thagau thiangtho ka ging ah' ti hi a pawimawna chu kum zabi pani lai vel ah le Thagau thiangtho chu Pathian hilo Pathian thilhitheina(power) mai ah ginchakna ala um ziak ahi. Arius kitipa chun chapa hile siam ahia, Thagau thiangtho vang chu chapa sang ah dinmun niamzaw hina lai ahi ti in ala ziltil hi. Macedonius kitipa chunle Thagau thiangtho chungchang a genna chun; Thagau thiangtho chu umpat na hun neilo ahi chun-tamtak le um thei tina ahi. Chun, hin ahi chun pa chun a hin hintin, ahiloleh chapa in hintin, chuti hitaleh, Pa in chapa neinei tina hi ding ahi. Chun chapa hin ahikit chun Pathian in tupa nei tina hikid ding ahi" ala ti ahi. Zia haw zosia dodalna din sawlchakte thugin hi Pathian in kochuamte ei piak ahi.

2. Ama chu Thagau thiangtho in a vawpsak.

Pathian pakhat ah mihing pathum(Trinity) thugin taklatna ahi. Pa leh Chapa leh Thagau thiangtho kipumkhatna leh kizawp matna taklat ahi. Pa, chun chapa chu sawl ah, Thagau thiangtho in Mari chung ah na a sem kit ti muthei

ahi ziakin, Thagau thiango akna anei hi ti apat in Pathian
 chu Pathian ahina pawm det hi ah mihing pathum(trinity) hina
 a kim pen hi. Pa in chapa in a kibang, dinmun kibang kipum-
 sawlna, Thagau thiango mal- khat chu ahiu hi.

Nicea Thugin

*Pa Pathian pakhat, bangkim hithei,
 Lei leh van leh thil zosia muthei leh mutheilo siamtu chu ka ging.
 Lalpa pakhat Jesu khrista, Pathian chapa changkhat nei sun.
 Khawvel zosia um masang ah Pathian ah Pathian hin chu ka ging.
 Ama chu Pathian apat Pathian, vak apat vak, Pathian tak apat
 Pathian tak, hin siam hilo.
 Pa tawh hina kibang, thil zosia hi ama siam,
 Ama chu ei uh mihingte dingin leh i hukdamna ding un,
 Van apat ahung kum ah,
 Thagau thiango nasep in, nungak thiango Mari ah taksa ahung
 hita, mihing ahung hita. Potius Pilat thu in ei uh din khetden in a um
 ah, a thuak ah, vui in a um ah,
 Nithum ni ah Pathian lekhathu gen gen gual in a thokit ah,
 Van ah a kal ah, Pa changlam in a chuta.
 Mithi leh mihing thu tan piak dingin, lopi takin hungkit intin,
 A gam in tawpni nei puana. Thagau thiango hinna petu hinna
 Lalpa chu ka ging,
 Ama chu Pa leh Chapa apat hung pawt,
 Pa leh Chapa tawh biak leh chawihoi, Jawlnei mang ah thugentu
 ahi.
 Sawlchakte dindaw kochuam thiango hi ka ging hi.
 Gitlo ngaidamna ding ah baptisma pakhat ka pawm hi.
 Mithi thawkitna khawvel hum kit ding ah hinna chu ka thil hi
 --Amen.*

Khawvel ah kochuam in Biakinn kikhawpna le matsek
 pumpi thugin bawldawna ma- ahi. Chun Sacrament kikhawp
 sakna pen chu Nicea Thugin phat leh zia thugin hi matchak
 ahi. Kum zabi pagukna(6) apat ngeingei ala hisek ahi.

Tuhin a chawm thei pen in Nicea thugin hung pianna leh Thagau thiangtho a pawm dan hi vak zil hitiu. Ahung kipat dan chu Arius, Alexendria khua Pastorpa ziltilna ziak ah kochuam thubuai apat ahi. Pathian thugen thiam, Grik te thiamna ah le thiamtak ahi. “Jesu chu Pathian thilsia masapen ahia, Pa tawh hina kibang ei puai, chapa ahia, um patni nei, umlo lai hun le nei, Pathian tak le hilo, mihing takle hi diaklo” ti in a ziltil hi. Zia thu ziak ah Alexandria khua Bishop Alexander leh a Secretary Athanasius tawh nasatak in Arius chu a kinial pan tau hi. Ziltilna diklo thezak in a ki ngawtua gelgel ui. Zia thu ziakin AD 320 ah Bishop 100 set chiakhawm in Arius ziltilna chu diklo chansak in Arius ngei chule kochuam apat in a nawdawk tau hi. Nawdaw himaleh Arius chun ama lam ah pangding mi hawlkhawm in a ziltilna a thezak zel ah kochuam chu christian, constantine ahi laitak ahia, kochuam sung ah buaina zosia hi kidona zosia dangin a lau um ahi ala ti hial ahi. Hotu pani kinialna chun phat lam a manawlo ziak in leh a buai deu

deu tak ziakin Lalpen Constantine chun Bithunia(Turkey) gam ah khaw pakhat Nicea khua chun May 20-June 19. 325 in khawmpi lian a bawl tau ahi. Zia khawmpi chun Bishop 318 leh amau kithuapite apang uh ahi. Jesu khrista ziak ah hun sawttak sukgentheina a thawk ziak ua kengbai, mitthum, khutbawng leh taksa ah piansualtate ahio hi. Khawmpi honna chu lalpen constantine in anei hi. Thagau thiangtho panpina chu dawn in a pauchap piak hi. Pa leh Chapa chungchang sawtpi a kinial nungun (hinna kibang)(hum-usios) ti chu Bishopte chun a pawm thei tau hi. Arius leh a lam ah pangte chu kochuam apat chun a nawdawk tau ah kochuam ah a panmun uh le lipthak piak ahi tau hi. Zia Nicea thugin hi Chalcedon khawmpi 451 AD ah Jesu chu Pathian bukim leh mihing bukim ahina Nicea khawmpi'n ala pawmtak chu pawm det kit ahi.

Tuhin Nicea thugin ah Thagau thiangtho a gen dan uh: a chawm thei pen in vak sulang kit hitiu. Thagau thiangtho, Lalpa leh hinna petu ka ging, ama chu Pa leh Chapa apat pawt,

Pa leh Chapa tawh kibang ah biak leh chawhawi, Jawlneite mangcha thugen sektu ahi” ti in. Zia thugin apat Thagau thi-angtho a genna hi neukhat taklat kit gua’i ti:

1. Thagau thiangtho chu Lalpa leh hinna petu:

Khawvel ah thilsiam zosia vengtu leh hinna petu ahi. Migilote lungthim thak petu a gilona teu nusia ah hinna thak petu Thagau chun a suhing ah zia lo chun kuaman Jesu chu Lalpa ati thei puau hi(1Kor.12:3). Lekhathu in a that ah Thagau in vang a suhing hi(2Kor.3:6). Khawvel siamtil ah tuichungte awpkhum ah, khrista thute Pathian lekhathute chu mihing thinlung ah awphing sek ahi.

2. Pa leh Chapa apat hung pawt ti hi Nicea thugin taklatna kochuam te dingin ahi zing ta ahi(Jn.14:16,26). Pa leh Chapa tawh khenchuam theilo tina inle gel hiti.

Pa leh Chapa tawh hina khat ah biak leh chawihawi-

Pa leh Chapa leh Thagau thiangtho min in Baptisma i changsek ua, zia chun i biakdan inle ahinau hi kibang sap ahina gual ah pawm di

ahi(Mtt.28:19)

3. Jawlneite mangcha thugen sektu Thagau thiangtho ahi.

Jawlneite’n Lal Jesu chanchin ala puanlawk thei nau kha Thagau thiangtho panpina ziak ahi(1Pet.1:10-13). Liangvaite kiang ah Pathian thu Lal Jesu’n a gen thei ziak kha Pathian Thagau a kiang ah aum ziak ahi(Lk.4:18).

Kochuam masate hunlai leh tulai hun ziang inle ziltilna diklo in kochuamte ei subuai thei sek hi. Kochuam mipi’n i pawm tang gual thei di thugin Pathian in ei piak sekte hi chu kipak um tak ahi. Arius thugin diklo kha paithak hilo leh chu Jesu khrista hi Pathian hi zolo hitan tin, Pathian ah gel le hi puan tin, ama ziak ah gen- thei thawknate le a thawn mai chang intin chung Thagau thi-angtho ngeile bangmalo mai chansak theina um ding ahi.

Genkhawm thei:

Pa leh Chapa leh Thagau thi-angtho kipumkhat dan hi bang tawh tekhin thei a diam?

---o0o---

Zillai - 30

Thagau thiangtho: India gam Presbyterian kochuam thugin ah.**Heb.13:7-9; 3:12.****Thugin VI:**

Thagau thiangtho pa leh chapa apat hung pawt chun mihingte hukdamna dawngtu in a siam ah, a gitlo ziau leh a chunggik ziau a hiatsak ah, khrista hiatna lam ah a lungthim uh ahivak, a dawitel nateu suthatho in, Jesu khrista chu a Lalpa'u leh hukdampau ah pawm ding ah ngek in, pawm thei ding in a pui ah, amau ah felna ga chitin a semdawk sek hi.

In lopi leh dettak sa ding a kingakna suangphum hoitak siam ngai gual in, I kochuam thugin inle Bible beplo, sawlchak thuginte, Nicea thuginte, Westminster leh Welsh thuginte tawchak ah mang in thugin chu siam ahi. India gam Presbyterian kochuam in thugin sawm anei ah, zia thugin sawm(10) in Thagau thiangtho a genna/chuanna chu thugin (vi)na a chung ah i taklatna hi ahi. Chun thugin 10 sung ah Thagau thiangtho agen khakna khenkhat sulang hitiu.

Thugin 2na Pathian chungchang agen in ama chu Thagau.....Thagau dang zosia thildang zosia lak ah chuam bik ahi. Zia chun aetsak chu Pathian hina leh a chungnun zia a taklang hi. Thugin 3na ah (Trinity) Pa leh Chapa leh Thagau Thiangtho(Pathian ah mi pathum) a genna ah chun a pathum un Pathian pakhat ahiv ah, hina kibang thilhitheina leh lopina ah le kibang ti ahi. Zia hin Pa leh Chapa gual ma tho in Thagau thiangtho chu Pathi-

an ah biak ding leh chawihawiwidung ahidan a genna ahi. Thugin 5na chun Thagau thiangtho thilhitheina nungak thiangtho mari in a vawp a hinthu a gen kit hi.

Chun thugin 6na hi Thagau thiangtho chungchang a lawm ah a genna ahidau hi. Zia Thagau thiangtho a gen dan hi Martin Lutherte, John Calvinte, Westminster leh Welsh kochuam thuginte hawn Thagau thiangtho chungchang a gendan uh tawh a kizawm

pha khawp mai hi. Thugin 7na chun Hukdamna changte tilkhona ding ah Thagau thiangtho pawimawna a taklang hi. Thagau thiangtho chun hepina na asepin, thute, sacramente, pauchapnate matchak in amang sek hi, ti in chun thugin 8na ah chun Baptisma ah chun Pa leh chapa leh Thagau thiangtho in ah tui ah sil ahia, zia chu khrista tawh kizawp matnate, Thagau thiangtho zal ah pianthakna leh suk hinna tepテナ leh namdetna ahi thu te a gen kit hi.

Thagau thiangtho nasep thugin apat kilangte-

- (a) Hukdamna changtute ei hisak hi.
- (b) Thagau thiangtho panglo in hukdamna um theilo.
- (c) Hukdamna mihing hinna tunsaktu Thagau thiangtho.
- (d) Gilo ka hi ti kihiatna chule Thagau thiangtho nasep.
- (e) Pathian lam ei kawkmutu chule Thagau thiangtho ahi.
- (f) Ngaituana hi vak, dawitelna suhing khrista kawkmuleh pawm thei ding ah panpi ahi.

Zia i taklat zosia hi i thugin ah Thagau thiangtho a genchianna leh a nasep a tak-

latna ahi. Chuleh mi hinna nei, Pathian ahia, kumtuang mi um pat hun leh umlo lai hun neilo ahi. Khrista lam zuan ah chia theina ding ei su vaktu, khrista pawmlut thei ding ah ei panpitu, khrista kiang ah i um inle hinna suthiangtho zel tu ahinate ei kawkmuleh. Zia thugin i taklatte hi pawmtak ahi ban in kingakna a ting set ahi.

Genkhawm thei:

I Kochuam thugin in a genkhaklo Thagau thiangtho chungchhang gen belap di ihe em?

---o0o---